

Asun Wankláán Aní Yohane Lówanlín

¹ Asa ɔ́yí lebelin a, Asón ámu bu inu. Asón ámu mva Bulu bu inu. Asón ámu gyí Bulu.

Asón Aní Itehá Nkpa

² Asón ámu mva Bulu bu inu asa ɔ́yí lebelin. ³ Músú Bulu lótsun bwe tógyító. Tətətə má inová Bulu lóbwe tsun mu ɔma. ⁴ Mvətə nkpa itsú. Nkpa ámu tópu wanki ba ahá fée ní. ⁵ Wanki anfi təwánkí oklúntə, táme oklún mókógyi músú ki.

⁶ Bulu lówa oyin əkvá butetí mu Yohane* sísí. ⁷ Ɔleba bebláa ahá wanki amu iwí asón, mēni ahá fée bəhə asón ámuṣu gyi. ⁸ Megyí Yohane onutó gyí wanki amu. Mu mó wanki amu iwí asón əleba bebláa ahá. ⁹ Ɔhá ámuó ogyi wanki onutó, ətəwánkí há əhagyíəha amu əbá ɔyító.

¹⁰ Ɔbu ɔyí ánfítə. Músú Bulu lótsun bwe ɔyí, táme ɔyí ánfítə atsiápu bumebi mu. ¹¹ Ɔleba mu onutó əmátó, táme mu pi bumeəhə mu. ¹² Táme əleha ahá aní bəhə mu, hə mu gyi fée əkpa aní bubwée Bulu abí. ¹³ Amú Bulu abí bwe motsú líntə, ntée nyankpusa apébweə, ntée oyin əwólí əkpasu. Mboun Bulu onutó lóbwe amó mu abí.

¹⁴ Asón ámu lébemlí nyankpusa, oletsiá anitə. Awitəle pú ənəkwali són létsiá mvətə. Anilówun mu numnyam. Mu Si lówa mu numnyam amu, tsúfə Obí əkəkónú əkole pé ogyi há mu.

* **1:6** Asú Ɔbəpú Yohane

15 Yohane léle mu súná, tói tsú mu iwí òbée, “Jni iwí asón neblí mbée, ‘Jhá ámú obuo mi òbá ámu òn mi, tsúfé òbu inu asa bəkwí mí’ ” ní.

16 Mu awítale itsə. Iní sù òde awítale tsətsətsə áfi wa há aní fée ní. 17 Mosesu Bulu mbla ámu ná ileba, táme ònəkwali móa awítale mú ina aní Wíe Yesu Kristosu ileba. 18 Jhaa mókówun Bulu kí. Obí òkókónú òkole pé, mu onutó ogyi Bulu, otsie Jsí ámu gyəpísu, Jsí ámu tēhíe kle mu asón ámu, nkole labláa aní alíá Bulu gyí.

Asú Jbəpú Yohane Bulu Asón Jkanda

(Mateo 3:1-12; Marko 1:1-8; Luka 3:1-18)

19-20 Yudafə ahande ání bubu Yerusalem bəwa Bulu igyí ahapú pú Lewifə Yohane wá beə buyéfité mu beə, ma ogyi? Yohane mési asvansu njáin amó. Jlele bláa amó òbée, “Megyí mígyí Kristo, (Jhá ámú Bulu ladá mu ofúli amu).” 21 Befité mu beə, “Mómú fóggyí ma? Fóggyí Elia?”

Jlele mú ònó òbée, “Megyí mígyí Elia.”

Betrá fité mu beə, “Fóggyí Bulu ònósú òtəipú amú òbəba amu?”

Jlele mú ònó òbée, “O-o.”

22 Mú befité mu beə, “Ma fuhíe fəgyi? Bla aní, méni abéyébláa ahá ámú bəwa aní ámu. Nkálí fódəblí tsú fó onutó iwí?”

23 Yohane ləpə asón ání Bulu ònósú òtəipú Yesaia léblí tswi lé mú ònó òbée,

“Mígyí Jhá ámú òdeklón dimbísú òbée,

‘Mlitswii aní Wíe ikpa ámu ha mu’ amu ní.”

24-25 Inu Farisifə akvá bəwa Yohane wá é befité mu beə, “Ní megyí fóggyí Kristo amu, megyí fóggyí Elia ntée Bulu Jnósú Jtəipú amú òbəba amu é á, ntogyi sù fudə ahá asú bə?” 26 Yohane léle mú ònó òbée, “Ntsu ndepubó ahá asú, táme Jha òku bu mlitə nfi,

mliméyín mu. ²⁷ Mɔgyí ɔhá ání obuo mi ɔbá ní. Mmɔfun ání nésankí mu ntukuta ɔfé kpán.”

²⁸ Asón ánfí fée léba Yordan ntsu ɔbɪn Betania wúlutɔ. Inó Yohane létsiá bó ahá asú ní.

Bulu Okúfabi

²⁹ Ɔyi kehe a, Yohane lówun ání Yesu ná ɔbá mu wá. Mú ɔlebláa ahá ámu ɔbée, “Mlɪki, Bulu Okúfabi amu ɔbá á. Musú Bulu tɔtsun sí ɔyító ahá lakpan kíe amú ní! ³⁰ Mu iwɪ asón neblí mbée, ‘Ɔku buo mi ɔbá. Ɔɔn mi, tsúfɛ ɔbu inu asa bɔkwí mí’ ní. ³¹ Mí onutó mmeyín mu, táme neba nde ahá asú bɔ, méni Israelfɔ bébi ɔhá ání ogyi.”

³² Yohane léblí ɔbée, “Nowun Ɔye Wankíhé amu, ɔlekplí tsú ɔsúsú fɛ abróduma bogyonká musu. ³³ Mí onutó mmeyín mu, táme Bulu lówa mí ɔbée mbá bɔpu ntsu bɔ ahá asú. Múlébláa mi ɔbée, ‘Ɔhá ámú fówun Ɔye Wankíhé amu ɔbékplí tsú ɔsúsú bogyonká musu ámu ɔbɔpu Ɔye Wankíhé amu bó ahá asú ní.’ ³⁴ Nawun ání ilaba mótó. Mú su nde mu iwɪ adánsie gyí mbée, mɔgyí Bulu mu Bi ámu ni.”

Yesu Akasípó Agyankpapu

³⁵ Mú ɔyi kehe a, Yohane muva mu akasípó abanyó besankí ba inu. ³⁶ Bréá Yohane lówun Yesu détsúun a, ɔleblí ɔbée, “Mlɪki, Bulu Okúfabi amu ná inu á.”

³⁷ Akasípó abanyó ámu bonu asón ánfí. Mú su bekplá buo Yesu. ³⁸ Yesu lédamlí kɪ wun ání bobuo mu. Mú ɔlefité amú ɔbée, “Ntɔ mlidédunká?”

Befité mu bee, “Osunápó, nkúnv futsie?”

³⁹ Yesu léle mú ɔnó ɔbée, “Mlɪba beki.” Mú su ayin abanyó ámu bobuo Yesu yéki mu otsiákpá. Ibóbwe fɛ ntópwe donatɔ. Betsiá mu wá tá owí.

⁴⁰ Ayin ámúú bonu asún ání Yohane léblí tsú Yesu iwí, bekplá buo Yesu amúto akole gyí Simon Petro mu pio Andrea. ⁴¹ Mú ma a, ito gyankpapuá Andrea lóbwe gyí, oloyódunká mu pio Simon, bláa mu abéé, “Anilawun Mesia.” (Mú asi gyí, “Kristo”, ahá ámúú Bulu ladá mu ofúli amu.)† ⁴² Inu alakpa Simon ba Yesu wá.

Yesu léki mu díín, alaklí abéé, “Fúgyí Yohane mu bi Simon ni. Tsú nde púya a, bétí fú Kefa.” (Griiki ablító “Petro.” Mú asi gyí, “Botá.”)

Filipo Mva Nataniel Ti

⁴³ Gyí kehe a, Yesu lóbwe abéé móyo Galilea amató, olowun Filipo. Mú alaklára Filipo abéé, “Buo ni.” ⁴⁴ Filipo otsú Betsaida, Andrea mva Petro wúluto. ⁴⁵ Filipo lówun Nataniel, alaklára mu abéé, “Anilawun oyin ámúú Mose lówanlín mu iwí asún wá Bulu mbla ámúto, Bulu onósú atáipú amu é bowanlín mu iwí asún ámu. Mu dá gyí Yesu. Mu si gyí Yosef, otsú Nasaret wúluto.”

⁴⁶ Nataniel léfité mu abéé, “Itó yilé ku bétalí dali tsu Nasaret wúluto?”

Filipo léblára mu abéé, “Ba afubekei.”

⁴⁷ Bréá Yesu lówun Nataniel abá mu wá á, alaklí abéé, “Israelyin onutónutó ní. Afunu kuvu ma mutó.”

⁴⁸ Nataniel léfité Yesu abéé, “Nkálí labwe febi mí?”

Yesu léle mú onó abéé, “Nowun fu bréá fubu pontoyí ámu asi inu, asa Filipo lébeti fú.”

⁴⁹ Nataniel léblára mu abéé, “Osunápó, fúgyí Bulu mu Bi Israel Owie amu ni.”

† **1:41** Kristo igyi Griiki ablí, Mesia é igyi Hebri ablí.

50 Yesu lébláa mu obéé, “Alí ámóú nabláa fu mbéé, nowun fu pɔntɔ-oyí ámu asi ámu su fah-ogyi? Fówun ofúla ání idun íni.” 51 Yesu létrá bláa mu obéé, “Ɔnɔkwali nde mli bláa, mlówun ání ɔsósó lafinkí, Bulu-abɔpu buɔe ɔsósó yɔ yínkí bá Nyankpɔsa-Mu-Bi ámu su.”

2

Ɔkátsiá Kana Wúluto

1 Eke sáásí a, betsiá ɔká Kana wúlu ání ibu Galilea ɔmátó. Yesu mu yin bu inu. 2 Beti Yesu mua mu akasípó é mú asi. 3 Bréá amú ntá leta á, Yesu mu yin lébláa mu obéé, “Bu tráa buma ntá.”

4 Yesu lébláa mu obéé, “Amú yín, yéé megyí mí asón igyi o! Mí bré mɔkónyá fon.”

5 Mu yin lébláa wóyí ámu ɔ asúmpó obéé, “Mlibwe dinka asóngyiasón ání ɔbébláa mli su.”

6 Yudafɔ butɔfwí iwɔ amó amándíé ɔkpasu. Mú su bɔpu awɔndi akpɔnkpɔnkpɔnti asie yáí wóyí ámu ɔ. 7 Yesu lébláa inu asúmpó amu obéé, “Mli sa ntsu bola awɔndi ámu féé.” Lélé besa. 8 Inu ɔlebláa amú obéé, “Mli sa iku ya nkesu ɔkípu amu.” Besa ya mu. 9 Ɔleda mú ɔnó á, ladámlí bwé ntá. Omeyín ɔtínéá benya ntá ámu tsú. (Táme asúmpó amu mú buyin.) Inu ɔleti ɔká otsiápu amu ya itsétó, 10 ɔlebláa mu obéé, “Nta wankláán ɔhagyíɔha tegyankpá yáí. Ní bonu mú tá asa butɔpó móá ima ale ba. Táme fó mó fapú wankláán ámu yáí bɔfon séi.”

11 Inu gyí osúna gyankpapu ání Yesu lóbwe ní. Ɔlbwe mú Kana ání ibu Galilea ɔmátó, pólé mu numnyam ɔwan. Ucha mu akasípó bɔhɔ mu gyi.

¹² Ini ɔma a, Yesu muva mu yin, mu apíó pó mu akasípó bɔyɔ Kapernaum wúlutɔ, yétsiá inu nke kpalobí.

Yesu Bulu ɔtswékpa Yo

(*Mateo 21:12-13; Marko 11:15-17; Luka 19:45-46*)

¹³ Bréá nkeá Yudafɔ bɔpɔgyi Israelfɔsu Katsun Nke lowie wóyí tá á, Yesu lódu yó Yerusalem.

¹⁴ ɔbɔyɔ Bulu ɔtswékpa amu wunsinésó yówun ání ahá buɔde nnantswie, akúfa pó abróduma fe. Olowun aku é bɔtsie mpónóasi buɔde kóba tsée. ¹⁵ Inu ɔlbwɛ mpli, wíé amótó, gyáa amóa mbwi ámu fée dálí. Olowutá kóba atsépu amu mpónú dá, dá amú kóba sáín. ¹⁶ Mú ɔlebláa abróduma afepú ámu ɔbéɛ, “Mlile amó nfi! Mlimápu mí Sí wóyító bwé mli ibiá ogyíkpa.” ¹⁷ Iniá ɔleba ali su á, mu akasípó amu bekaín Bulu asun wanlínhé anfisɔ. “Fó osúmkrá amu asón ihíe igyi mí asunbogya.”

¹⁸ Yudafɔ ahande amu beba Yesu wá befité mu beɛ, “Osúna mɔmu fóbwe pósúná ani ání Bulu túmitɔ fúde ini bwɛ?”

¹⁹ Yesu lébláa amú ɔbéɛ, “Mlibwie Bulu ɔtswékpa anfi, nɔpu nkensá yí mú.”

²⁰ Yudafɔ ahande amu bebláa mu beɛ, “Nfi aduana-sie kéké bɔpɔgyi obu anfi. Mú fó mú feɛ, fɔpu nkensá yí mú?”

²¹ Táme mu nyankpɔsa-oyí iwɛ asón ɔdeblí, megyí Bulu ɔtswékpa amu. ²² Bréá Bulu lókɔsúa mu tsú afúlítɔ ɔma a, mu akasípó amu bekaín ání ɔleblí asón anfi. Mú su bɔhɔ Bulu asón pó Yesu asun blíhé amusu gyi.

Yesu Yin Nyankpɔsa Klɔntɔ

²³ Yesu lóbwε osúna tsòtsòtsò Israelfòsu Katsun Nke ámotò bréá òbu Yerusalem, ahá tsòtsòtsò bowun. Mú su bòhò mu gyi. ²⁴ Táme Yesu mópυ ansí dínká amósó, tsúfé oyin alá amó féé bogyi. ²⁵ Mehián aní òhaa òbébláa mu òha iwí asón, tsúfé mu onutó oyin asón aní ibu nyankpυsa klòntò.

3

Yesu Mva Nikodemo

¹ Yudafò òhande òku létsiá, bυtétí mu Nikodemo. Farisiyin ogyi. ² Òleba Yesu wá εκε òku onyé bebláa mu òbéε, “Osunápó, aniyin aní Bulu lówa fò sísí fé ató osunápó. Tsúfé òhaa méetalí bwé osúna anfi fúdebwε ánfí, ní Bulu móbúo mu.”

³ Yesu léle mú ònó òbéε, “Ònòkwali nde fú bláa, òhaa méetalí nyá Bulu ogyi iwíε mυsu, nkéti balákwíi mu.”

⁴ Nikodemo léfité mu òbéε, “Nkálí bélakwíi òhá aní aladan? Òbétalí sánkí wíε mu yin iputò, òbélakwíi mu?”

⁵ Yesu léle mú ònó òbéε, “Ònòkwali nde fú bláa. Ní bυmelakwíi òku tsun ntsu móa Òγε Wankihétò á, òméetalí wíε Bulu iwíegyí ámotò. ⁶ Òyυlúu nkpa itsú nyankpυsatò, òhétò klé é itsú Bulu Òhétò. ⁷ Mú su máha mú iwa fú wánwan aní nabláa fu mbéε, ilehián aní bélakwíi mli. ⁸ Afú tòtsun yò òtínéá ideklé. Fòtonú mú nka, támε fòmeyín òtínéá itsú pú òtínéá iyó. Alí kén igyi há òhagyíòha aní bakwíi mu tsú Òhétò ní.”*

⁹ Nikodemo léfité mu òbéε, “Ngya ntò asón ní?”

¹⁰ Yesu léle mú ònó òbéε, “Israelfò osunápó yilé fógyi, mú féε fòmòkónú asón ánfí asi? ¹¹ Ònòkwali

* **3:8** Òhétò móa afú lehan aba Griiki òblító.

nde fú bláa. Tóá aniyin ɪwɪ anidétóí tsú, tóá anɪlawun é ɪwɪ anidé adánsɪe gyí, táme mlɪtamahɔ anɪ asón ámu. ¹² Ní nebláa mli tóá ide mósó yɔ ɔyí ánfɪtɔ, mlimóhogyi a, nkáli ɪbóbwe nebláa mli tóá ide mósó yɔ ɔsúsú mboun mlóhogyi? ¹³ Ọhaa mókódú yó ɔsúsú ɪnu kɪ, nkéti Nyankpusa-Mv-Bi ámuú olotsu ɪnu ba amu.

¹⁴ “Alɪ ámuú Mose lópu káɔbrɪ ɪwɔ síán oyísó, tsú mú líí dimbísú ɪnu ámu a, alɪ kén ilehián ání bédá Nyankpusa-Mv-Bi ámu mántá oyísó, tsú mú líí,† ¹⁵ ménɪ ɔhagyíɔha ání ɔlɔhɔ mu gyi obénya nkpa ání itamatá ní. ¹⁶ Tsúfé dwé Bulu léhiɛ dwé anyánkpusa. Mú su ɔlɔpu mu Bi ɔkukúnú ɔkule pé ámu há, ménɪ ɔhagyíɔha ání ɔlɔhɔ mu gyi omóowu, mboun obénya nkpa ání itamatá. ¹⁷ Bulu mópɔ mu Bi ámu sísí ɔyí ánfɪtɔ ɔbéɛ, ɔbá begyi ahá asón, ɔha ahá ɪpón, mboun ɔbéɛ, ɔbá bɔhɔ ahá nkpa.

¹⁸ “Ọhá ání ɔlɔhɔ mu Bi ámu gyi lagyi asu. Ọhá ání ɔmɔhɔ mu Bi ámu gyi a, Bulu lahá mu ɪpón dodo, tsúfé ɔmɔhɔ mu Bi ɔkule pé ámu gyi. ¹⁹ Alɪá ɔbéha ɪpón ámu gyí, wankɪ amu laba ɔyító, táme ahá bɔdwe oklún don wankɪ amu, tsúfé lalahɛ abwɛpú bɔgyi. ²⁰ Ọhagyíɔha ání ɔtɔbwé lalahɛ tolú wankɪ amu. Ọtamakpókpe mantáa mú, tsúfé ɔde ifú nya ání mu bwehé béɪn ɔwan. ²¹ Táme ɔhá ání ɔtɔbwé yilé tɛhá wankɪ amu tɔwánkí wólí musu, ménɪ ahá bówun ání Bulu apé ɔdebwe.”

Yesu Mva Asú Ọbópó Yohane

²² ɪnɪ ɔma a, Yesu mva mu akasípó bɛdalɪ Yerusalem yó Yudea ɔmátó. Betsiá ɪnu kpalobí, oletsíá bɔ ahá asú. ²³ Alɪ bré ámɔtɔ á, Yohane é

† **3:14** Mu oyikpalíhesu síán ɪwɪ asón ɔdeblí.

dé ahá asú bọ Aenon nsáintọ, mantáa Salim wúlu. Tsúfẹ ntsu dada nsiné inu. Ahá betsiá yó mu wá, oletsíá bọ amú asú. ²⁴ (Bumọkónyá kítá Yohane tswi obu ali bré ámutọ.)

²⁵ Iwígyoráa iwí nwéengyí ku lẹba Yohane akasípú pọ Yudayin oku nsiné. ²⁶ Inu Yohane akasípú bọyọ mu wá yébláa mu beε, “Osunápor, yéε fakáin oyin ámúbú fúa mọnyọ mlilétsiá Yordan bunkpá obin, fegyí mu iwí adánsiε wankláán ámọsu? Ọde ahá asú bọ, ahá féeε bode mu wá ya.”

²⁷ Yohane léle mú onó obéε, “Ọhaa méetalí bwé tọtọ, nkéti Bulu lahá mu okpa. ²⁸ Mli onutó mlétalí gyi mi adánsiε ání nẹbláa mli mbéε, ‘Megyí mígyí Kristo amu, táme Bulu lówa mígya mu nkpa.’ ” ²⁹ Inu ọleha amú yébi obéε, “Ọká otsiáporu bú mu ka. Ọká otsiáporu amu mu nyawie é tetsiá oká otsiákpá inu, mẹni ansí bégyi mu ní onú mu nyawie amu ọme. Ali kén ansí de mí gyí séi ní. ³⁰ Mí atumabi béta wíé mu kletọ.”

Ọhá Aní Olotsu Ọsúsú Ba

³¹ Ọhá ámúbú otsú ọsúsú ámu dun ọhagyíọha. Ọhá ání otsú ọsulúsu é gyí ọsulúsu ọha. Ọsulúsu asún ọteblí, táme ọhá ání otsú ọsúsú dun ọhagyíọha. ³² Otegyi tóá alawun pọ tóá alanú iwí adánsiε, ọhaa tamahọ mu asun blíhé. ³³ Táme ọhagyíọha ání ọlọhọ mu asun blíhésu gyi dé mósú si ání Bulu asún igyi ọnakwali. ³⁴ Ọhá ámúbú Bulu lówa ámu telé Bulu asún blí, tsúfẹ Bulu tọpọ Ọhẹ ámu bóla mọtọ. ³⁵ Ọsí ámu tọdwé mu Bi ámu, alapú túmi féeε wá mu ibitọ. ³⁶ Ọhagyíọha ání ọlọhọ mu Bi ámu gyi bu nkpa ání itamatá. Ọhagyíọha ání ọmọhọ mu gyi má nkpa ání itamatá. Bulu isubítí é idin mọsu.

4

Yesu Mva Samariayintse Oku

¹ Farisifo bonu ání Yesu dé abúopu nya, bó amó asú don Yohane. ² (Táme megyí Yesu onutó dé amó bɔ. Mv akasípú dé amó bɔ.) ³ Bréá Yesu lébi ání Farisifo ámv banú asún ánti á, ɔledali Yudea ɔmátó yínkí yó Galilea ɔmátó. ⁴ Táme lehián ání ɔbótsun Samariafɔ ɔsolósu.

⁵ Yesu lóyówie Sikar ání igyi Samaria wúlu kutɔ. Wúlu anfi bu mantáa ɔsolósu kuá Yakob lópuhá mv bi Yosef bímí ámv. ⁶ Inú Yakob ibún bu ni. Okpa ámv bu ifó. Mú sv Yesu lótsutsúa obowie unv á, ilapíán mv. Mú sv oletsiá ibún ámv asi. Alí bré ámvɔ á, ilabwé fé ɔpawísú.

⁷ Inv á, Samariayintse oku léba ntsu ɔsakupá. Yesu lókulí mv ɔbéε, “Nobwíi ipa, ha mí ntsu annu.” ⁸ Alí bré ámvɔ á, Yesu akasípú bɔyó wúluto yóhɔ atogyihe.

⁹ Yudafɔ butamapú ibi da Samariafɔ nwe núu ntsu. Mú sv ɔtsi ámv léfité Yesu ɔbéε, “Yudayin fɔgyi, mí é Samariayintse ngyi. Nkálí igyi só fɔde mí ntsu kulí?”

¹⁰ Yesu léle mú ɔnó ɔbéε, “Ní fɔyin Bulu atokiehé pú ɔhá ání ɔde fú ntsu kulí á, tekí fókulí mv, ɔbéha fú ntsu ání itehá nkpa.”

¹¹ ɔtsi ámv lébláa mv ɔbéε, “Ani sí, fɔmedé ɔfé, ibún ánti é bu oklú. Nkónv fénya ntsu ání itehá nkpa? ¹² Fódɔn aní náin Yakob ání olokwi ibún ánti há aní, mva mv abí pú amó mbwí bonu ntsu móttó?”

¹³ Yesu léle mú ɔnó ɔbéε, “Ɔmewóli bélakítá ɔhagyíɔha ání otonu ibún ánti ntsu. ¹⁴ Táme ɔhagyíɔha ání obónu ntsuá néha mv a, ɔmewóli

méetrá kitá mu ekekeke. Ntsu ámúú néha mu amu ibédamli ntsu owíkpa mutò aní ibélin ha nkpa aní itamatá.”

¹⁵ Ɔtsi ámu lébláa mu obée, “Ani sí, ha mí ntsu ánfi ku, ménì omewóli méetrá kitá mí, mméetrá ba nfi é besa ntsu.”

¹⁶ Yesu lébláa mu obée, “Yeti fò kúlu amliba.”

¹⁷ Ɔtsi ámu léle mú onó obée, “Mma okúlu.”

Yesu lébláa mu obée, “Ɔnòkwali igyi fablí aní fuma okúlu. ¹⁸ Tsúfé fatsía akúlu tse nu ki. Mégyí fò kúlu gyí oyin ámúú fúa munya mliná séi ámu é. Fawá onòkwali.”

¹⁹ Múú Ɔtsi ámu lébláa mu obée, “Ani sí, nawun aní Bulu onósú Ɔtópó fuyi. ²⁰ Ani anáin Samariafò bosúm Bulu ibu ánfisu, táme mli Yudafò mú mliaa Yerusalem kóun lehián aní ohagyíoha obósum Bulu.”

²¹ Yesu lébláa mu obée, “Ɔtsi, hò mí asón ánfisu gyi. Bré ku béba aní ahá boméetrá súm Ɔsí ámu ibu ánfisu ntée Yerusalem. ²² Mli Samariafò mliméyín ohá aní mlidésu. Ani Yudafò mú aniyin ohá aní anidésu, tsúfé Yudafòsu ina nkpahóo leba oyító. ²³ Bré ibá, ulafon ta aní Bulu asúmpó anòkwaliwu bósum Ɔsí ámu onjéto pò onòkwaliwu. Tsúfé ahá ánfi odu Ɔsí ámu dédunká obée busúm mu ni. ²⁴ Onjé Bulu gyí. Mú su ilehián aní ahá aní butosúm mu bósum mu onjéto pò onòkwaliwu.”

²⁵ Ɔtsi ámu lébláa mu obée, “Nyin aní Mesia*, (ohá ámúú Bulu ladá mu ofúli amu) obéba. Ní obá á, obéle asóngyiasón asi súná aní.”

²⁶ Múú Yesu lébláa mu obée, “Mí ánfi nde fò asón bláa anfi gyí Kristo amu ni.”

* **4:25** Griikifò tétí Mesia bée Kristo.

27 Inu akasípó amu besankí tsú wúluto ba bətu amú. Iłwa amú wánwan ání bawun Yesu mwa ətsi bulí budətəí. Táme amótə əkəku mətali fité əbée, “Ntə fodedunká tsú mu wá, ntée ntogyi só fəa ətsi ámu mlidətəí?”

28 Ətsi ámu lési mu əló yái inu, yínki yó wúluto yébláa ahá əbée, 29 “Mlıba amlibeki oyin əkəá al-abláa mi tśá nabwé ki féé. Mlilahogyi mlıaa, megyí Kristo amu ni?” 30 Mú su ahá bedalı tsu wúlu amutə beki Yesu.

31 Alı bré ámutə á, mu akasípó ámu bude mu kokóli beé, ogyíi ató.

32 Táme əlebláa amú əbée, “Mbu tśá négyi, mlıméyín mú iwı kəkəku.”

33 Mú su akasípó amu befité aba beé, “Ntée əku labeha mu təku alagyi?”

34 Yesu lébláa amú əbée, “Mı atogyihe gyí ání nóbwe tśá əhá ámúú əłwa mí sísí ámu əbée mbwée, ammə mú ənó. 35 Yéé mliteblí mlıaa, ‘Tsra ana pé lasí ayó tınbı bəfon?’ Táme nde mlı bláa mbée, mlıtsu ansı ki adəbúv amutə, ayó ámu ilablı fon tın. 36 Bude mu atınpv akə ka dodo. Bude mú tın yaí há nkpa áni itamatá. Mú su ansı bégyi adupú móa atınpv amu féé ekewóle. 37 Mú su ənəkwalı igyi buteblı beé, ‘Əku todú, əku é tetın.’ 38 Nəwa mlı mbée mlıyétın ayóá mlımóyə mú odukpá. Aha bambá lóyə mú iwı agyómá, ilawá labı há mlı.”

39 Samariafəá bəbv wúlu amutə tsətsəətsə bəhə Yesu gyi, adánsıe ámúú ətsi ámu légyi suná amú əbée, “Alabláa mi tógyítśá nabwé mí nkpatə féé” ámu su. 40 Inı su bréá beba Yesu wá á, bokokóli mu beé, otsía amú wá. Yesu létsiá inu nkenyó.

41 Yesu asvn blıhé su Samariafə ámu tsətsəətsə é belahə mu gyi. 42 Bebláa ətsi ámu beé, “Megyí fú

asón ámu sọ anulétrá hẹ mu gyi ngya o. Anị onutó anılanú, anılawun anı lélé oyin anfi gyí oyító Nkpa Ọhọpọ amu ni.”

Ọhande Ọkọ Mu Bi Ilo Tsa

⁴³ Nkenyó ámu ọma a, Yesu lénatí yó Galilea ọmátó. ⁴⁴ (Tsúfẹ mu onutó olowun bí ọbée, “Butamabú Bulu ọńsọ ọtọpọ mu onutó ọmátó.”) ⁴⁵ Bréá olowie Galilea a, ımfọ bọhọ mu atúu, tsúfẹ amó onutó bọyọ Yerusalem Yudafọsu Katsọn Nke ámu ogyíkpa. Mú su bowun tọá ọbọwe ınu fée.

⁴⁶ Yesu létrá yinkí yó Galilea ọmátó, Kana wúlutọ, ọtíné ámuú ọledamlí ntsu bwé ntá ámu. Ọmá ọhande ọkọ tsie Kapernaum wúlutọ. Ọbu obi yinhé ọkúá ọda ọdelọ. ⁴⁷ Bréá ọhande amu lónu anı Yesu latsú Yudea ba Galilea a, olegya mu ọkpa yókokóli mu ọbée, mu bi yinhé lawú tá, ọkplı ba Kapernaum, ọbetsa mu ılo ha mu. ⁴⁸ Yesu lébláa mu ọbée, “Mú su ní mlımókọwun osúna a, mlımóọhọ mi gyi ekekereke?”

⁴⁹ Ọmá ọhande amu lébláa mu ọbée, “Owíé! Nı anı ayabi mọwa ọsa á, kebi ámu obówu.”

⁵⁰ Yesu lébláa mu ọbée, “Yọ! Fọ bí ámu obénya nkpa!”

Oyin ámu lóhọ asón ámuú Yesu lébláa mu amusu gyi, oleyinkí oyó wóyí. ⁵¹ Bréá oyó á, mu asúmpọ bẹba befia mu, bláa mu bẹe, “Fọ bí ámu lanyá nkpa.”

⁵² ınu ọlefíté amú bréá ıwı lówa mu bi ámu ọnlı. Bẹbláa mu bẹe, “Owısó ámu lési mu ıgye ọpa ọd-kuletọ.” ⁵³ ınu á, ọlekain anı alı bré ámuoto kén Yesu lébláa mu ọbée, mu bi ámu obénya nkpa ní. ıni su muu mu wóyítọfọ fée bọhọ Yesu gyi.

⁵⁴ ıni gyi osúna nyọọsıá Yesu lóbwe bréá olotsu Yudea ba Galilea ni.

5

Tsukole Osínvú Okv Ilo Tsa

¹ Asún ánfí òma a, Yesu lódu yó Yerusalem Yudafò Bulusúm nkε kv ogyíkpa. ² Bəpwε buntii wá wúlu amv. Bokwi ibún kv mantáa buntii amv okpa onó kvá butetí mú Akúfa Otsónkpa. Butetí ibún ámv Betesda Hebri əblító. Beyi mbu anu bómlí mú.

³⁻⁴ Aləpv tsətsəotə bəbun ibún ámv así mbu ánfító. Amótó akv bvgyi ansibi abwiepú, abə pú tsukole asínvú.* ⁵ Oyin okvá alasin tsukole nfi advasa-kwe (38) kéké da inv. ⁶ Bréá Yesu lówun mv a, olowun ání alaló, dí inv wá opá. Mú sv ələfité mv əbée, “Fvdeklé fεε iwí iwá fú ənlín?”

⁷ Tsukole osínvú amv léle mú onó əbée, “Owíé, ní bowúli ntsu ámvotə á, mma əhá ání obótsu mí wá mótó. Nótutsúa ambəbwe á, okv lagyankpa wíé mótó dodo.”

⁸ Yesu lébláa mv əbée, “Kusu! Tsu fú əklan, afonati!” ⁹ Inonvovov oyin ámv iwí lówa mv ənlín, ələkusó tsú mv əklan, wá natí bí.

Alí εke ámv igyi Yudafò Okpónú Oðaké. ¹⁰ Mú sv Yudafə ahandε beka oyin ámvú Yesu latsá mv ilo ámv ansító, blí bεε, “Nde igyi Okpónú Oðaké. Aní mbla mεha okpa ání fósorá fú əklan.”

¹¹ Oləbláa amú əbée, “Əhá ámvú əletsá mí ilo ámv lébláa mí əbée, “Tsu fú əklan, afonati.” ”

¹² Mú sv bεfité mv bεε, “Ma lébláa fv əbée, futsúu fú əklan afonati?”

¹³ Oyin ámv mébí əhá ání əletsá mv ilo, tsúfé ahá bvhíé butəə inv, Yesu lófwí wá amótó.

* **5:3-4** Mótó yée 4 bv nwló dada amv akotə: Ibv nv bv inv á, Bulu-əbəpv tobowulii ntsu ámvotə. Iní sv butsiε inv bvgyo mv. Tsúfé ní əbá bowulii mú á, fóá fegyankpa wíé mótó á, futenyá ilotsá.

14 Ǫma a, Yesu lóyówun mu Bulu ɔtswékpa mu. Mú ɔlebláa mu ɔbéε, “Yéε fawun ání iwí lawá fú ɔnlín. Mátrá bwe lakpan, méní múá idon ínì méεba fɔsu.”

15 Oyin ámu léyébláa Yudafo ahande amu ɔbéε, Yesu létsa mu idɔ. 16 Iníá Yesu dé ntobí ánfí odu bwe ɔkpónú ɔdaké su á, Yudafo ahande amu ɔɔwa mu kpekpeε bi. 17 Táme Yesu lébláa amú ɔbéε, “Mí Sí mókúsí agyómá yɔ. Mú su mí é mmókúsí.”

18 Mu ason blíhé anfi su á, Yudafo ahande amu bekle ání bómɔ mu ɔkpagyíɔkpasu. Tsúfé megyí ɔkpónú ɔdaké mbíla ámu nkɔle tóon su, mbóún ɔleblí ɔbéε, mu si gyí Bulu, ilosuná ání muá Bulunyɔ bɔgyi kékéε.

Bulu Téhá Mu Bi Amu Túmí

19 Yesu léε mú ɔnó ɔbéε, “Ǫnɔkwali nde mlí bláa. Mí Bulu mu Bi ánfí onutó mméetalí bwé tɔtɔ mí iwísu. Tóá nowun ání mí Sí débwe á, mú ntɔbwé.

20 Tsúfé mí Sí tɔdwé mí, otosúná mí itáá mu onutó ɔdebwe féé. Inn! Ibówa mlí wánwan ání obósuná mí múá idon ali. 21 Ali ámuú mí Sí tɔkósɔá ahá tsú afúlítɔ, há amú nkpa ámu a, ali mí é ntehá ahá ání ndeklé nkpa ní. 22 Mí Sí tamagyi asón há ipón, táme alapú asóngyí féé wá mí ibítɔ, 23 méní ɔhagyíɔha obóbu mí fé alíá otobú mí Sí ámu. Ǫhá ání ɔtamabú mí tamabú mí Sí ámuú ɔlɔpu mí sísí ámu é.

24 “Ǫnɔkwali nde mlí bláa mbéε, ɔhagyíɔha ání otonú mí asón, ɔtɔhɔ ɔhá ámuú ɔlɔwa mí sísí ámu gyí, bu nkpa ání itamatá. Bulu méegyí mu asón, há mu pón, tsúfé aladáli lowutɔ ba nkpatɔ dodo.

25 Ǫnɔkwali nde mlí bláa. Bré kv íbá. Bré ámu ilawúna fɔn ání ahá ání bɔgyi fé aha wuhé† bónu Bulu mu Bi ámu ɔme. Amúá bonu mú bénya nkpa.

† 5:25 Ahá ání bawú ɔhétɔ.

²⁶ Tsúfɛ mí Sí búv túmi, ɔtɛhá nkpa. Alí kén alahá mí ánfí ngýi mv Bi ánfí túmi, ɔbéé nháa ahá nkpa ní. ²⁷ Alahá mí túmi ɔbéé, ngýíi ahá asón, tsúfɛ mígyí Nyankpɔsa-Mv-Bi ámv ní. ²⁸ Asón ánfí imáwa mli wánwan. Bré kv íbá, afúli fɛé bónu mí ɔme, ²⁹ kósó. Amúá bɔbwe yilé bɛlakósó, nyá nkpa ání itamatá. Amúá bɔbwe laláhe a, négyi amú asón, há amú ipón.”

³⁰ “Mmɛetalí bwé tɔtɔtɔ mí iwísv. Asón ání nonú tsú mí Sí wá á, mú ntɔpúgyí asón. Mú só ntegyi asón ɔnɔkwalísv ní. Tsúfɛ ntamabwé t́á mí onutó ndeklé, mboun t́á ɔhá ámúú ɔlɔwa mí sísí ámv tekle.”

Yesu Iwí Adánsie Wankláán Agyípó

³¹ Yesu lóyɔ mósú blí ɔbéé, “Ní mí onutó negyi mí iwí adánsie á, mlimóɔhɔ mú ání ɔnɔkwalí igyi.† ³² Bulu é tegyi mí iwí adánsie. Nyin ání mí iwí adánsie ámúú odegýí amv igyi ɔnɔkwalí. ³³ Mliawá abí sísí Yohane. Alabláa mli ɔnɔkwalí amv. ³⁴ Mí mó á, mmehián anyánpɔsa adánsie. Mboun nde mli asón ánfí bláa, méní Bulu ɔbóhɔ mli nkpa. ³⁵ Yohane asón blíhé lɔbwe fɛ ɔkandíe ání idewankí. Mú sv mliłótsulá gyi mú ɔdwe kpalobí. ³⁶ Mbu t́á itegyi mí iwí adánsie, idv Yohane klé amv. Agyómá ámúú mí Sí lawá ɔbéé mbwéé mɔ mó ɔnó, nde mó bwe ámv dé adánsie gyí ání molówa mí sísí. ³⁷ Mí Sí ámúú ɔlɔwa mí ámv onutó lagyi mí iwí adánsie. Mlimókónu mv ɔme, mlimókówun mv é kí. ³⁸ Mlimóhɔ mv asón wá mli klvntɔ, tsúfɛ mlimóhɔ mí ámúú ɔlɔwa sísí ámv gyi. ³⁹ Mlikíá mlénya nkpa ání itamatá tsú Bulu asón wanlínhé amvɔtɔ. Mú só mli ansí lapé, mli dé mó kasí ní. Mí iwí adánsie Bulu

† **5:31** Mose mbla lósuná ání ahá abanyó ogyí adánsie.

asun wanlínhé amu idegyí. ⁴⁰ Táme mlilakíná mí wá bá, méni mlénya nkpa ámu.

⁴¹ “Mmedédunká mbéε, ahá bukánfu mí, ⁴² tsúfé nyin mli dodo. Nyin ání mlitamawé Bulu tsú mli klontɔ. ⁴³ Naba mí Sí dátɔ, mlimóhɔ mi. Táme ní zha bambá zɔbá mu onutó iwisu á, mlóhɔ mu. ⁴⁴ Mlitekleá mlékanfú aba, támε mlitamabó mbódí ání Bulu zɔkule pé ámu zɔkánfu mli. Nkálɪ ɪbóbwe mlóhɔ mi gyi? ⁴⁵ Mlimákɪ mliaa, néle mli ɪlá mí Sí ansítɔ. Mose amúú mli ansí ɪɪn musu mliaa zɔbóhɔ mli nkpa ámu mboún zɔbéle mli ɪlá Bulu ansítɔ ní. ⁴⁶ Ní lélé mlíhɔ Mose asónsú gyi a, tekɪ mlóhɔ mí asónsú gyi, tsúfé mí iwɪ asún zɔwanlín tswɪ. ⁴⁷ Táme ɪniá mlimóhɔ tɔá zɔwanlín tswísu gyi a, nkálɪ ɪbóbwe mlóhɔ mí asun blíhésu gyi?”

6

Ahá Mpím-nu Atogyihe Ha

(Mateo 14:13-21; Marko 6:30-44; Luka 9:10-17)

¹ ɪni zɔma a, Yesu mɔa mu akasípú befa Galilea zɔvɔá butetɪ mó Tiberia amu yó mó zɔɪn. ² Zɔɔm betsiá buo mu, tsúfé zɔde alɔpu tsa wánwansu. ³ Mɔa mu akasípú bɔɔv yó okúku kusu, yétsiá asɪ ɪnu. ⁴ (Alɪ bré ámutɔ á, Yudafɔ nkeá bɔpɔgyi Israelfɔsu Katsun Nke ámu ɪlafun ta.) ⁵ ɪnu Yesu lótsu ansí fúá wun ání zɔɔm kpɔnkpɔnkpɔntɪ beɔbá mu wá. Múú zɔlefíté Filipino zɔbéε, “Nkúnú abénya atogyihe hɔ ha ahá áñfi bégyi?” ⁶ (Yesu léblɪ asún áñfi pɔsɔ Filipino kɪ, tsúfé oyin tɔá zɔbóbwe dodo.)

⁷ Filipino léle mó zɔnɔ zɔbéε, “Ní apú tsra kwe ɪkɔká hɔ atogyihe kúráá á, ɪmɔzɔfun áñfi okugyíɔku obénya kpalobí gyí!”

⁸ Simon Petro mu pio Andrea, ogyi akasípú amoto okole lébláa Yesu obéé, ⁹ “Oyimbi oko dé bodobodo apín pútúpútú anu pó ntsutso iye bwáhé anyo. Táme nto íni bóbwe ahá tsotsotsotso ánfí?”

¹⁰ Yesu lébláa mu akasípú amu obéé, “Mliha amú abutsiatsia asi.” Ahá ámu fée betsiá ifásó. Ayin ání bubu amótó bóbwe fé mpím-nu (5,000). ¹¹ Múú Yesu lóhó bodobodo amu, dá Bulu ipán, oleya beye mú há ahá amóú butsie inu ámu. Ali kén obwwe ntsabi buáhé amu é ní. Amótó okugyíokó lénnya alíá odeklé.

¹² Begyi mwe sian. Yesu lébláa akasípú amu obéé, “Mlikola síanhe amu, méni imóbwe ato yintáhé.”

¹³ Lélé, botó sí síanhe amóú benya tsú bodobodo anu ámuto ámu. Ilobulá alakpá dúanyo kéké.

¹⁴ Ahá ámu bowun osúna anfi Yesu labwé ánfí. Mú su beblí bee, “Lélé, oyin ánfí gyí Bulu onósó otáipú amóú bowanlín mu iwí asún wá Bulu asúntó bee, obéba oyító ámu ní.” ¹⁵ Yesu lówun ání ahá ámu babwé agywun bee, béba bekitá mu owonlínító yáí mu iwíe. Mú su mu nkole oledadó yó nkpa sí amó.

Opusu Natí

(Mateo 14:22-33; Marko 6:45-52)

¹⁶ Bréá owí ləpən a, Yesu akasípú beklí ba Galilea opu onó. ¹⁷ Owí latá, táme Yesu mókóyínkí botu amó. Mú su bədu wíe oklontə, budefa bəyó Kapernaum. ¹⁸ Afú kpənkpənti ku léba idetsúon, opu amu lówa dabi. ¹⁹ Ali bré ámuto á, akasípú amu baplá oklon amu yó fé máulí asa ntée ana. Inu bowun ání Yesu ná opu amusu obá amó wá. Mú su ifú lekítá amó. ²⁰ Táme Yesu lébláa amó obéé, “Mí ní, mlímánya ifú!” ²¹ Inu botsu mu wá oklon amoto ansigyísó. Ilotsutsúa iwanki amó á, oklon amu lawíe osubúno, otíné amóú bəyó ámu.

Yesu Dunká

²² Ɔyí kehe a, ɔdɔm amúú besi bubu ɔpu amu ɔbin inu ámu bowun ání ɔklɔn kɔku itráa melí inu. Múá tekɪ ilí inuɔ akasípó amu bowie náti ní. Bowun ání Yesu mówie mótó asa benatí. ²³ Mú ɔma a, nklɔn aku lótsu Tiberia wúlutɔ belí mantáa ɔtíné ámúú begyi bodobodo amúú Yesu léda Bulu ipán póhá amú ámu. ²⁴ Ɔdɔm amu bowun ání Yesu lanátí inu, mu akasípó amu é buma inu. Mú su bɔɔw wíé nklɔn amuɔ yó Kapernaum, buɔe Yesu dunká.

Bodobodoá Itehá Nkpa

²⁵ Bréá ɔdɔm amu boyówun Yesu ntsu ɔbin inu á, befité mu beɛ, “Osunápó, bré mɔmu fobowie nfi?”

²⁶ Yesu lébláa amú ɔbéɛ, “Ɔnɔkwali nde mli bláa. Megyí osúna amúú ndebwe mlidéwúun amu su mligyá mí ɔkpa. Mboún bodobodo amúú neha mli, mlilégyí mwe ámu su. ²⁷ Mlimáwun ipian atogyihe ání iteyíntá su. Mboún mliwun ipian múá ibétsiá yó, ibéha nkpa ání itamatá, ání mí, Nyankpɔsa-Mu-Bi ánti néha mli su. Tsúfé mí mí Sí Bulu lahiɛ nsu ání mbu ɔkpa há mú.”

²⁸ Befité Yesu beɛ, “Gyuma mɔmu abwéɛ isuna ání anidé tóá Bulu tekle bwe?”

²⁹ Yesu léle mú ɔnó ɔbéɛ, “Tóá Bulu déklé ɔbéɛ mlíbwéɛ gyí, mliho mí ánti ɔɔwa sísí ánti gyi.”

³⁰ Inu befité Yesu beɛ, “Osúna mɔmu fóbwe abówun, ménɪ abóhɔ fu gyi? Ntɔ fóbwe? ³¹ Anɪ anáin begyi mana dimbí ámu su. Bɔwanlín mú wá Bulu asún ámuɔ beɛ, ‘Mose léha amú atóá ilotsu ɔsúsó bá begyi.’ ”

³² Múú Yesu lébláa amú ɔbéɛ, “Ɔnɔkwali nde mli bláa. Megyí Mose léha mli atogyihe amu tsú ɔsúsó. Mí Sí léha mli bodobodo onutónutó ámu tsú ɔsúsó.

³³ Tsúfẹ bodobodo ání Bulu tẹhá gyí mí ánfí natsú ɔsúsú bá, nebá beha ɔyító ahá nkpa ánfí.”

³⁴ Ahá ámu bebláa mu beε, “Owíé, tsia ha aní bodobodo anfi brégyíbré, tsú séi pọya.”

³⁵ Yesu lébláa amú ɔbéε, “Mígyí bodobodo amúú itehá nkpa ámu ni. Akón méεkitá ɔhá ání ɔleba mí wá εκεκεεκε. Ɖmewóli méεkitá ɔhá ání ɔlɔhɔ mi gyi é εκεκεεκε. ³⁶ Fẹ alíá nebláa mli á, mliawun mi, támε mliwákúhɔ mi gyi ɔɔfɔn séi. ³⁷ Ɖhagyíɔha ání Ɖsí ámu léha mí ɔbéba mí wá. Mméεgya ɔhagyíɔha ání ɔleba mí wá. ³⁸ Tsúfẹ mmotsu ɔsúsú ba mbéε, nebá ɔɔbwe tóá ndeklé. Mboún tóá ɔhá ámuú ɔlɔwa mí sísí ámu déklé ɔbwekpá neba. ³⁹ Tóá ɔhá ámuú ɔlɔwa mí sísí ámu déklé gyí, ahá ámuú ɔlɔpɔhá mí ámuú ɔkɔku mádali mí ibi. Mboún nkúsɔa amú fẹé tsu afúlitɔ εke tráhe amu. ⁴⁰ Tóá mí Sí ámu tekle gyí, ɔhagyíɔha ání olowun mí, mu Bi ánfí, hɔ mi gyi obénya nkpa ání itamatá. Nókúsɔa mu tsú afúlitɔ εke tráhe amu.”

⁴¹⁻⁴² Iníá Yesu lébli ɔbéε, “Mígyí bodobodo amúú notsu ɔsúsú ba amu ni” su á, Yudafo ámu ɔɔwa mu wuntí bi. Beε, “Megyí Yosef mu bi Yesu amu ni? Aníméyín mu si muɔa mu yin? Ɖkpa mɔmu sù ɔdebli ɔbéε, ‘Ɖsúsú notsu neba?’ ”

⁴³ Yesu lébláa amú ɔbéε, “Mlisi wuntí mli wolewole. ⁴⁴ Ɖhaa méetalí ba mí wá, nkéti mí Sí ámuú ɔlɔwa mí sísí ámu lakpá mu ba mi. Mí é nókúsɔa mu tsú afúlitɔ εke tráhe amu. ⁴⁵ Bulu ɔnósú atáípú amú ɔkɔ lówanlín tswi ɔbéε, ‘Bulu obósuná ahá fẹé ató.’ Ɖhagyíɔha ání alanú mí Sí asún, kásí mú tsú mu wá teba mí wá. ⁴⁶ Ɖhaa mókúwun Ɖsí ámu ki. Mí ánfí notsu Bulu wá bá anfi nkole láwun mu ki. ⁴⁷ Ɖnɔkwali nde mli bláa. Ɖhagyíɔha ání ɔlɔhɔ mi gyi bu nkpa ání itamatá. ⁴⁸ Mígyí bodobodoá itehá

nkpa ní. ⁴⁹ Iniá mli anáin begyi mana dimbísú óó á, amó fée bowu. ⁵⁰ Táme bodobodo anfi gyí móa ilatsú osósú bá, méni ohagyíoha aní obégyi mó móowu ní. ⁵¹ Mígyí bodobodo amóú ntehá nkpa, natsú osósú ba amu ni. Ohagyíoha aní ogyi bodobodo anfi obétsiá nkpa, omóowu ekekekeke. Mí oyulú gyí bodobodo amu. Mó nési há, méni oyítófo bénya nkpa ní.”

⁵² Inu Yudafó amu benya asón anfi Yesu lablí anfi iwí obló. Amó wuwuwu begyi aba nwéen bee, “Nkálí oyin anfi obétalí pú mu oyulú há aní obée agyi?”

⁵³ Yesu lébláa amó obée, “Onokwalí nde mli bláa. Ní mlimégyi mí, Nyankpusa-Mu-Bi anfi oyulú, nu mí obugya a, mlimá nkpa aní itamatá kukukuk mli. ⁵⁴ Ohá aní olegyi mí oyulú, nu mí obugya bu nkpa aní itamatá. Nókusóba mu tsú afúlitó eke tráhe amu. ⁵⁵ Tsúfé mí oyulú igyi atogyihe onutó, mí obugya é igyi atonuhe onutó. ⁵⁶ Ohá aní ogyi mí oyulú, nu mí obugya tsie mli, mí é ntsie mli. ⁵⁷ Mí Sí Okiankpawu amu lówa mí sísí. Mu só mbu nkpa. Mó su fóa fegyi mi a, mí su fú é fubu nkpa. ⁵⁸ Mígyí bodobodo onutóá notsu osósú ba ni. Mli anáin begyi mána, táme bowu. Ohá aní ogyi bodobodo anfi mó obétsiá nkpa aní itamatá.”

⁵⁹ Yesu léblí asón anfi bréá ode ató suná Kapernaum, Yudafó ofiakpa.

Nkpa Aní Itamatá Asón

⁶⁰ Yesu abúopu tsotsotsó amuto aku bonu asón anfi á, beblí bee, “Atosunáhé anfi mó bu onlin o! Ma obétalí ho mó?”

⁶¹ Yesu lówun aní mu abúopu amuto aku bude wunti aní alabli alí su á, ofefité amó obée, “Asón

ánfi ilahan mli? ⁶² Mómó ní mlowun Nyankpɔsa-Mu-Bi ámu ɔyó ɔtínéá olotsu ba me, nkáli mlóbwé? ⁶³ Bulu Ɖhé ámu téhá nkpa. Nyankpɔsa ɔwɔnlín mú á, kpaali ígyi. Asón ánfí nde mli bláa anfi itsú Ɖhé ámúú ɔtéhá nkpa ámu wá, ⁶⁴ táme mliɔ akɔ bɔmɔhɔ mósó gyi.” Yesu lówun amúá bɔmɔhɔ mósó gyi pú ɔhá ání ɔbéle mu há yáí dodoodo. ⁶⁵ Ɖletrá bláa amú ɔbéle, “Iní sù nebláa mli mbéle, ɔhaa méetali ba mí wá, nkéti mí Sí lakpá mu ba mí” ní.

⁶⁶ Tsú eke ámu a, Yesu abúopɔ amu tsɔtsɔɔtsɔ beyinkí mu ɔma, bɔmetrá buo mu. ⁶⁷ Mú sɔ Yesu léfité mu akasípú dúanyɔ ámu ɔbéle, “Mli é mli dékléá mléyinkí mí ɔma lóó?”

⁶⁸ Simon Petro lébláa mu ɔbéle, “Owíé, ma wá abóyɔ? Fú wá asón ání itehá nkpa ání itamatá bu. ⁶⁹ Anilahogyi, anilabí ání fógýí Ɖha Wankíhé amúú fotsú Bulu wá ámu ní.”

⁷⁰ Inu Yesu lébláa amú ɔbéle, “Mli ahá dúanyɔ nele, táme mliɔ akɔ gyí ɔbɔnsám!” ⁷¹ (Simon Iskariot mu bi Yuda ɔde á. Tsúfé ogyi akasípú dúanyɔ ámɔɔ ɔkɔle. Mu ɔbéle mu há ní.)

7

Yesu Mva Mu Apio Yinhé

¹ Mú ɔma a, Yesu létsiá kí Galilea ɔmátó. Omekleá ɔbóyɔ Yudea ɔmátó, tsúfé Yudafɔ ahande amu bɔde mu tée abɔmɔ mu. ² Táme Yudafɔ Kantankpatɔtsiá Nkegyí lafon. ³ Mú sɔ mu apio yinhé bebláa mu be, “Nati yɔ Yudea nke ámu ogyíkpá, méni fú abúopɔ amúú bɔbɔ inu ámu é bówwun ofúla ání fodebwé. ⁴ Ɖhá ání odekléá ahá bɔbí mu gyu-magyihe tamanjín iwí. Iníá fúde ntobíá igyi ali bwé

á, wuna le mú suna, oyi fée abuwun.” ⁵ (Mu apíó ámu kóráá buməhə mu gyi. Mú su bebláa mu ali ní.)

⁶ Inu su Yesu lébláa amú obée, “Bréá nóyo inu məkónyá fun. Mli mú mlétali yó inu brégyíbré.

⁷ Oyiťo buméetalí lú mli, táme mí mú bude mí lu, tsúfé nde amú ilá le. ⁸ Mlyo nke ámutə. Mí mú mməkónyá yó, tsúfé mí bré məkófun.” ⁹ Yesu lébli asón anfi tá á, olesi tsiá Galilea omátó.

Yesu Kantankpatatsiá Nke Amv Ogyikpá Yo

¹⁰ Táme bréá Yesu apíó ámu benatí yó nke ámu ogyikpá a, mu é olenain iwí yó inu. ¹¹ Yudafə ahande amv bodunká mu nke ámu ogyikpá, bude ahá fité bee, “Oyin ámu me?”

¹² Odəm amv bebli asón tsətsətsə nklobítə tsú Yesu iwí. Aku bee, “Oha wankláán ogyi.” Aku é bee, “Ekekeke, ode ahá mlé.” ¹³ Táme amótó ohaa métali bli mu iwí asón kókló ahá abonu, tsúfé bude Yudafə ahande amv ifú nya.

¹⁴ Bréá bowie nke ámu nsiné á, Yesu lódu wíe Bulu ətswékpa wunsínésú inu yéfi ató suná así. ¹⁵ Mu atosunáhé lobwie Yudafə ahande amv onó. Mú su befité aba bee, “Oyin anfi mókókási əwulú yó nkpá. Nkálí uləwə asa əlebi əwulú ali?”

¹⁶ Yesu léle mú onó obée, “Megyí mí wá atosunáhé anfi itsú. Itsú Bulu wá. Múlówa mí sísí. ¹⁷ Ní əku dékléá obóbwe Bulu apé á, obówun ní atosunáhé anfi itsú mí wá ntée Bulu wá. ¹⁸ Ohá aní ode mu onutó asón bli dé mu numnyam dunká. Táme ní əku todúnká numnyam há ohá aní əlwa mu sísí á, onəkwalıpu ohá ámu gyí. Otamawá afunu. ¹⁹ Yéé Mose lópu mbla ámu ba mli a? Táme mlítə əkəku médé músú gyi. Ntogyi su mlidékléá mlómə mí?”

20 Inu ɔɔm amu bebláa mu beɛ, “Oɔhe laláhe bu foto! Ma dékléá ɔbómá fú?”

21 Yesu lébláa amó ɔbéɛ, “Ofúla kuɛ pé nɔbwɛ ɔkpónú ɔdaké, mli fée ɔnó lobwie mli. 22 Mose lówa mbla há mli ɔbéɛ, mli tɔn keté. (Ibu mótó ání megyí Mose lótsɔ keté tɔn, mli anáin léfi mú asɩ.) Yéɛ mú sú mli tɔn ahá keté ɔkpónú ɔdaké ní a? 23 Ní mli dé keté tɔn ɔkpónú ɔdaké, méni mli mósó ɔkú sɩ lí Mose mbla ámu sɩ á, ntogyi sɩ mli lanyá ɔbló mísú mli aa, natsá nyankpɔsa kéin ɔkpónú ɔdaké? 24 Mli yɔ asóntó wankláán, asa amlíha ipón. Mli pu ɔnɔkwali gyi asón.”

Yesu Iwi Nwéngyi

25 Yerusalemfɔ aku befité amó iwɩ beɛ, “Megyí oyin ánfɩ Yuda fɔ ahandɛ bu dedunká abómá ní? 26 Megyí mu lí ahátɔ ɔdetáí, amótó ɔkuku mékpla mu a? Ntée ilawánkí amó ání megyí Kristo, (ɔhá ámú Bulu ladá mu ofúli amú) ní? 27 Oyin ánfɩ mú a, aní fée aniyin ɔtínéá otsú, táme ní Kristo ámu ɔbá á, ɔhaa méebɩ ɔtínéá otsú.”

28 Bréá Yesu bu mósó ɔde ató ámu suná Bulu ɔtswékpa wunsínésú inu á, olotsu ɔnó fúá blí ɔbéɛ, “Mliyin mi, mliyin ɔtínéá notsú, táme megyí mí onutó tɔmí sɩ neba. ɔnɔkwali pu ɔhá ámú ɔlɔwa mí sí sí ámu gyí. Mli méyín mu. 29 Táme mí mú nyin mu, tsúfé mólówa mí sí sí. Mu wá notsu ba.”

30 Inu bekle abukita mu, táme bu mɔpu ibi da mu, tsúfé mu bré mɔkófɔn. 31 Táme amótó ahá tsɔtsɔtsɔ bɔhɔ mu gyi. Mú sɩ befité beɛ “Ní Kristo amu ɔbá á, ɔbétalí bwé osúna don mú ánfɩ oyin ánfɩ débwɛ?”

Bɔwa Bɛ Bókita Yesu

32 Bréá Farisifɔ ámu bonu ání ɔɔm amu bu de Yesu iwɩ asón blí nklobító á, amúá Bulu igyí ahapú

dehen amv bowa Bulu otswékpa agyópo bee bokíta Yesu. ³³ Ini so Yesu lébláa amú obéé, “Ílasí nke kpalobí pé nétsiá mli wá. Mó oma a, néyinkí yó ohá amú olowa mí sísí amv wá. ³⁴ Mlódunká mí, táme mlimóowun mi. Mliméetalí ba otínéá mbv é ekekeke.”

³⁵ Yudafá ahande amv befité aba bee, “Nkónú oyin ánfí obótu okpa yó, so abódunká mv animóowun mv? Ntéé odekléá obóyo Griikifá awúlu amú aní pi badásáin yó músú amvso, ntéé obóyósuná Griikifá amv ató? ³⁶ Asón ánfí odebli é así mé? Obéé, ‘Mlódunká mí, táme mlimóowun mi. Mliméetalí ba otínéá mbv é.’ ”

Nkpa Ntsu

³⁷ Nke amv eke tráheá ígyi eke títriu á, Yesu lókusú líi kplon bli obéé, “Ní omewóli de okv á, obá mí wá obonu ntsu. ³⁸ Ohagyíoha aní olho mi gyi a, ‘Nkpa ntsu bówi dali mto.’ Alí bowanlín wá Bulu asón ámto ní.” ³⁹ (Oje Wankíhé amú Bulu obéha ahá aní bóho mv gyi amv iwí asón odebli. Alí bré ámto á, Oje Wankíhé amv mókónyá ba, tsúfé Bulu mókónyá wá Yesu numnyam.)

Ahá Amto Leye

⁴⁰ Bréá odom amv bonu Yesu ason blíhé anfi á, amótó akv bebli bee, “Lélé, Bulu onósú otáipó amú anidé mv okpa kí amv ni.”

⁴¹ Akv é bee, “Kristo amv ni!” Táme amótó akv é bebli bee, “Yéé megyí Galilea omátó Kristo amv obótsu o. ⁴² Bowanlín wá Bulu asón ámto bee, Owíe Dawid abusuantó Kristo amv obédali tsu. Bókwí mv Betlehem, Dawid wúluto.” ⁴³ Ina Yesu iwí asón ánfí so ikulebwe metsiá amótó. ⁴⁴ Amótó akv bekle abukita Yesu, táme ohaa mópu ibi da mv.

Yesu Máhogyi

⁴⁵ Ọma-ọma a, Bulu ọtswékpa agyópu amú bowa sumbí ámu besankí ba Bulu igyí ahapú dehen pú Farisifo ámu wá. Befité agyópu amu bεε, “Ntogyi su mlímékítá mu ba?”

⁴⁶ Bεε mú ọnó bεε, “Ọhaa mókútói fẹ oyin ánfí kí!”

⁴⁷ Farisifo ámu befité amú bεε, “Mú su oyin ámu lamlé mli é. ⁴⁸ Mlilawun ọhande ntée Farisiyin ọku laho mu gyi kí? ⁴⁹ Ekekεεkε! Ọdam anfi bumeyín Mose mbla ámu iwí tọtọ. Mú su Bulu ọlwí amú.”

⁵⁰ Inu Farisifo ámutọ ọkule, ogyi Nikodemo amú ọlọyọ Yesu wá onyé ámu léfité amú ọbέε, ⁵¹ “Ani mbla leha ọkpa ání abéha ọku ipón asa abéfíté mu ọnótọ asón nú?”

⁵² Befíté mu bεε, “Galileayin fú é fúgyi? Kí Bulu asón ámutọ wankláán. Fówun ání Bulu ọnósú ọtáípú ọkọkọkọ móotsu Galilea ọmátọ.” ⁵³ [Inu amú fέέ benatí yó wóyítọ.

8

Ọtsi Ọku Mbvatọ Pó Mv Kítá

¹ Bréá ahá amu bedasáin á, Yesu lódu yó Nfọ-nyíbu ámusu*. ² Mú ọyi kehe bake a, oleyinkí ba Bulu ọtswékpa wunsínésú inu. Ahá ámu fέé beba mu wá. Mú su oletsiá asi, olefi asi ọde amú atọ suná. ³ Bréá ọdetọí á, Farisifo pú Mose mbla asunápú amu bekpá ọtsi ọkúá bakítá mu, ọde mbvatọ ba belí amú ansítọ. ⁴ Mú bεbláa Yesu bεε, “Osunápú, bakítá ọtsi ánfí mbva ọtákpá. ⁵ Mose Mbla ámu léblí ọbέε, adáa atsi ánfí odu abwi ma. Nkálí fudεblí tsú asón ánfí iwí?” ⁶ Asónklé sọ befíté mu asón ánfí, abuyọtọ mu

* **8:1** Nfọ-nyíbu igyi obubwí kúá ọbọ mantáa Yerusalem, bọtétí mú Olifbu.

ha ahande. Inu Yesu lóbun, pú osrebi ɔde ató wanlín ɔsolóto.

⁷ Bréá butráa buɔe asún ámu fité plá á, olobwif tsíá, bláa amú ɔbéé, “Mlito ɔhá ání ɔmɔkóbwé lakpan ki ogyánkpa da ɔtsi ánfí ibwi.” ⁸ Ɔleblí mú ali á, oleyinkí bun ɔde mu ató wanlín ɔsolóto. ⁹ Bréá ahá ámu bonu mu asún ánfí á, bɔwa natí kule-kule bi, tsú ahandesu bɔtu nyebísó. Ilebese Yesu mu ɔtsi ámu nkule ɔbun nsiné inu. ¹⁰ Yesu lóbwiif tsíá, ɔlefíté ɔtsi ámu ɔbéé, “Ɔtsi, nkí ahá ámu me? Ɔkuku mésián ání ɔbéha fú ipón?”

¹¹ Ɔtsi ámu lélé mú ɔnó ɔbéé, “Owíé! Ɔkuku méha mí pón o!” Mú Yesu lébláa mu ɔbéé, “Ibu alé! Mí é mmécha fú ipón! Nati, mátrá bwé lakpan.”†

Ɔyító Wanki

¹² Inu ɔma a, Yesu léyinkí bláa Farisifo ámu ɔbéé, “Mígyí ɔyító wanki ni. Ɔhagyíɔha ání obuo mi obénya wanki ání ibéha mu nkpa, oméesein oklúnto ekekekeke.”

¹³ Inu á, Farisifo ámu bebláa mu beé, “Nfóli tamakánfú mu iwi. Fumɔkóbli tɔto.”

¹⁴ Yesu lébláa amú ɔbéé, “Ní mí onutó nde mí iwi adánsi gyí ó á, ɔnɔkwali igyi. Tsúfé mí mú nyin ɔtínéá notsú pú ɔtínéá nɔyó. Táme mliméyín ɔtínéá notsú pú ɔtínéá nɔyó. ¹⁵ Anyánkpaása asóngyí ɔkpasu mlitegyi asún tson, táme mí mú ntamagyi ɔhaa asún. ¹⁶ Ní negyi asún ó á, ɔnɔkwali ɔkpasu negyi mú tson. Tsúfé megyí mí nkule tegyi mú. Mía mí Sí amú ɔbwa mí sísí ámu nyɔ tegyi mú. ¹⁷ Bɔwanlín wá mli onutó Mbla ámutɔ beé, ‘Ní adansifo abanyó beblí asun kua kule a, amú asún ibu

† **8:11** Ima Griikifo nwóló dada amu akoto.

mótó.’ ¹⁸ Mí onutó ntegyi mí iwí adánsiε. Mí Sí lówa mí sísí. Mv é otegyi mí iwí adánsiε.”

¹⁹ Befité mv beε, “Nkónú fú sí bv?”

Yesu léε mύ ónó óbéε, “Mliméyín mí wankláán, mliméyín mí Sí ámv é. Ní mliyin mί wankláán á, tekí mlébi mí Sí ámv é.”

²⁰ Yesu lébli asún ánfí bréá εδε ató suná Bulu εtswékpa tswitswí adáka otsiákpá. Táme εhaa mékítá mv, tsúfé mv bré məkónyá fon.

Yesu Ɔsósúyo

²¹ Yesu létrá bláa amú óbéε, “Mí mύ nɔyó. Mlódunká mí. Mlówu wá mli lakpantó. Mliméetalí ba εtínéá nɔyó.”

²² Yudafo ahandε amv befité beε, “Mó óbómó mv iwí, sό εdebli óbéε, mliméetalí ba εtínéá nɔyó?”

²³ Yesu léε mύ ónó óbéε, “Mli mύ mlotsú ɔyí ánfító, táme mí mύ notsú ɔsósú. Ɔyí ánfítófó mliɔyí. Mm-egyí ɔyí ánfítɔyin mí mύ ngyi. ²⁴ Mύ sό ndε mli bláa mbéε, mlówu wá mli lakpantó ní. Mlówu wá mli lakpantó, ní mlimóhógyi ání ‘Mígyí εhá ámúú mbéε ngyi ámv.’ ”

²⁵ Befité mv beε, “Fúgyí ma?”

Yesu lébláa amú óbéε, “Ɔhá ámúú ntebláa mli yái mbéε, ngyi ámv kén ntráa ndε mli bláa a. ²⁶ Mbv asún tsεtsεtsá nébli tsú mli iwí púhá mli pón. Táme εnəkwalipv εhá ámúú εlwa mí sísí ámv gyí. Asún ání nonu tsú mv wá ndε mli ɔyítófó bláa.”

²⁷ Imɔwankí amú ání mv Si ámúú εbv ɔsósú ámv iwí asún εδε amú bláa. ²⁸ Mύ sv Yesu lébláa amú óbéε, “Ní mledá Nyankpusa-Mv-Bi ámv mántá oyik-palíhesv, tsú mύ líí á, mlówun ání ‘Mígyí εhá ámúú mbéε ngyi’ ámv. Mlébi ání ntamabwé tεtεtε mí onutó túmitó. Móá mí Sí lópɔwá mί ónó á, mύ ntebli.”

29 Ǫhá ámuó ɔlɔwa mí sísí ámu buo mi. Ǫmækóyínkí mí ɔma, tsúfé tóá itegyí mu ansí ntɔbwé brégyíbré.”

30 Inu ahá ámuó bonu mu asón ánfita tsɔtsɔtsɔ bɔhɔ mu gyi.

Abraham Abi-aná

31 Yesu lébláa Yudafɔ ámuó bɔhɔ mu gyi amu ɔbéε, “Ní mlobuo mí atosunáhé a, mlygyí mí akasípó lélé.

32 Mlébi ɔnɔkwali amu. Ǫnɔkwali amu íbéha mlégyi íwí.”

33 Beblí bεε, “Abraham abí-aná anigyí. Anímókúbwé ɔhaa nkpábi kí. Mú ntogyi só fúde aní bláa bεε, ‘Mlégyi íwí?’ ”

34 Yesu léle mú ɔnó ɔbéε, “Ǫnɔkwali nde mli bláa. Ǫhagyíɔha aní ɔɔbwé lakpan á, ogyi lakpan ɔkpábi.

35 Ǫkpábi tamatsiá mu wie wóyí yó, obí tetsiá mu si wóyí yó. 36 Mú su ní Bulu mu Bi ámu ɔhá mlegyi íwí á, múmó mliɔgyi íwí féé. 37 Nyin aní Abraham abí-aná mlygyí, táme mliɔkléá mlómɔ mí, tsúfé mliímóhɔ mí atosunáhé. 38 Tóá nowun tsu mí Sí wá ndeblí. Mli é asón aní mliónu tsú mli sí wásó mliɔgyí.”

39 Bebláa mu bεε, “Aní sí gyí Abraham.”

Yesu lébláa amó ɔbéε, “Ní Abraham abí mlygyí á, tekí mli bwehé lelían Abraham. 40 Mliɔkléá mlómɔ mí, tsúfé nde mli ɔnɔkwaliá nonu tsú Bulu wá bláa. Abraham móbwe alí! 41 Mli sí bwehé mliɔébwe.”

Bebláa Yesu bεε, “Megyi mbua bɔtɔ kwí aní. Bulu onutó gyí aní Sí. Anímá ɔsí ɔkɔkɔ tsía mutɔ.”

42 Yesu lébláa amó ɔbéε, “Ní mli Sí gyí Bulu á, tekí mliɔɔdwé mí, tsúfé mu wá notsu ba. Múlówa mí sísí. Megyi mí onutó túmitɔ neba. 43 Ntogyi só mliímédé mí ason blíhé asi nu? Mliímédé mú asi nu, tsúfé mí asón de mli asutɔ wóɔ. 44 Ǫbunsám gyí mli sí. Mú

su mliteklea mlóbwε tóá mli sí tekle. Ahá omópú ogyi tsú nfiasí. Otamabuo onokwali. Mú su onokwali kuvu ima mutó. Ní owá afunu a, mu tsiátó owan odele, tsúfé ofunupu ogyi. Mogyí afunupu fée osí ní. ⁴⁵ Táme nteblí onokwali. Mú su mlitamahó mí asónsó gyi ni. ⁴⁶ Mlitó ma obétalí súná ání lakpan obwepú ngyi? Ní nde onokwali blí á, mú ntogyi mlimóhó mi gyi? ⁴⁷ Ohá ání otsú Bulu wá teyáá asu nú mu asón. Mli mó mlimótsú mu wá. Mú su mlitamayáá asu nú mu asón ní.”

Yesu Mva Nanáin Abraham

⁴⁸ Yudafó ámu bebláa mu beε, “Ní ablí aníaa Samariayin fugyi, oje laláhe bu futó á, anlawá afunu?”

⁴⁹ Yesu lébláa amó obée, “Oje laláhe ma mító. Ntobú mí Sí, táme mli mó mlitamabú mí. ⁵⁰ Mmedé mí iwí numnyam wa. Oha oku bu inuá ode mú dunká há mí. Mogyí asón ogyípú wankláán ámu ni. ⁵¹ Onokwali nde mli bláa. Ohagyíoha ání otegyi mí atosunáhésu omóowu ekekeke.”

⁵² Inu Yudafó ámu bebláa mu beε, “Séi ánfí mú á, anlawun ání lélé oje laláhe bu futó! Abraham mva Bulu onósú atóipú amu bawú. Táme fú mú fudeblí fεε, ohagyíoha ání otegyi fú atosunáhésu omóowu ekekeke. ⁵³ Aní náin Abraham lówu. Fvki fεε fudon mu? Bulu onósú atóipú amu é bowu. Nkálí fúde fú iwí kí?”

⁵⁴ Yesu léle mó onó obée, “Ní nówá mí iwí numnyam a, kpaali ígyi. Mí Sí gyí ohá ání otowá mí numnyam. Mu mlidéblí mlíaa ogyi mli Bulu ní. ⁵⁵ Ibo móttó ání mliméyín mu, táme mí mú nyin mu. Ní neblí mbée mmeyín mu a, nabwé ofunupu fé mli. Mí mú nyin mu, ntegyi mu asónsó. ⁵⁶ Mli

náin Abraham lénya ansigyí ání mówun mí bábi. Olowun mó é, ansí legyi mu.”

⁵⁷ Yudafɔ ámu bebláa mu beε, “Fumakóhɔ nfi aduenu (50) kóráá, mó fee fɔtu Abraham?”

⁵⁸ Yesu lébláa amó ɔbéε, “Ɖnɔkwali nde mli bláa. Mbu inu asa bɔkwí Abraham.”

⁵⁹ Yesu lénya blí alí pé, ahá ámu bɔkulá abwi beε abɔtswi da mu mɔ. Táme Yesu lóbwe híéé, dáli Bulu ɔtswékpa wunsínésó inu.

9

Ansibi Obwiepó Ɖku Tsa

¹ Eke ɔku Yesu muɔa mu akasípú buɔna ɔkpatɔ, bowun oyin ɔkuá bɔkwí mu ansibi obwiepó. ² Yesu akasípú amu befité mu beε, “Osunápú, ma lakpan só bɔkwí oyin ánfí ansibi obwiepó? Mu onutó lakpan su lóó, ntée mu akwíópú?”

³ Yesu léle mó ɔnó ɔbéε, “Megyí mu ntée mu akwíópú lakpan su bɔkwí mu ansibi obwiepó. Mboun alíá Bulu ɔbéle mu túmi súná tson mu ɔɔ ámɔtɔ su. ⁴ Ila sí kpalobí owí ɔbéta. Ɖhaa méetalí trá yɔ agyómá. Mú su ilehián ání abóyɔ agyómá ámúú ɔhá ámúú ɔlɔwa mí sí sí ámu lówa mí ɔbéε nyóɔ amu. ⁵ Iníá nanya mbu ɔyí ánfítɔ á, mígyí ɔyí ánfítɔ wanki.”

⁶ Bréá Yesu lébláa amó asón ánfí tá á, olotu atsonó tswi ɔsulótɔ, ɔlɔpu osrebi tsíá isi, títi mó tan ansibi obwiepó ámu ansibisu. ⁷ Múú ɔlebláa ansibi obwiepó ámu ɔbéε, “Nati yɔfwí ansító Siloam paatitɔ.” (Siloam asi gyí, “Bɔwa mu sí sí.”) Oyin ámu lóyófwí ansító yínkí ɔbá wóyí á, ɔde ató wúun.

⁸ Mu aba pú ahá ání bɔtowun mu ɔde ató kulí befité beε, “Megyí oyin ánfí tetsíá kúlí ató bré ámu ni?”

⁹ Amútó akv beε, “Mv nι!” Akv é beε, “O-o, lían ðelían mv.”

Inv oyin ámv onutó léblí ðbéε, “Mí ní.”

¹⁰ Befité mv beε, “Nkálí ðábwε asa fúde ató wúun ngya?”

¹¹ ðlele mó ðnó ðbéε, “Oyin ámvúv bvtetí mv Yesu amv lóbwε ððiba tan mí ansíbisv. Múv ðlebláa mī ðbéε, nnátí yófwí ansító Siloam paatító. Noyófwí, móv nde ató wúun a.”

¹² Befité mv beε, “Nkónúv ðbv?” Múv ðlele mó ðnó ðbéε, “Ohwée.”

Farisifó Ansibi Obwiepú Amv Asón Fité

¹³ Inv bekpa oyin ámvúv tekí ogyi ansibi obwiepú ámv yáa Farisifó wá. ¹⁴ Eke ámvúv Yesu lóbwε ððiba púbwíí mv ansíbi amv igyi ðkpúnúv ðdaké. ¹⁵ Mú sv Farisifó ámv belafité oyin ámv alá ðábwε asa ðde ató wúun. ðlebláa amú ðbéε, “ððiba ðlɔptan mí ansíbisv, noyófwí ansító. Múv nde ató wúun ngya a.”

¹⁶ Farisifó ámv akv beblí beε, “Megyí Bulu ðha oyin ámvúv olobwíí mv ansíbi amv gyí, tsúfé ðtamagyi ðkpúnúv ðdaké mbla ámvsv.”

Táme akv é befité beε, “Nkálí lakpan ðbwεpú ðbétalí bwé osúna anfi odu? Asón anfi sv bvmetrá bwε kvle.”

¹⁷ Mú sv belafité oyin ámv beε, “Fεε mulóbwíí fú ansíbi. Amansv fubv blí tsú mv iwí?”

Oyin ámv léle mó ðnó ðbéε, “Bulu ðnósúv ðtáipú ogyí.”

¹⁸ Yudafo ahandε amv bvmohogyi ání lélé, bəkwíí mv ansíbi obwiepú asa séi ðde ató wúun, kpéfɔn bréá betí mv akwípú ba. ¹⁹ Befité amú beε, “Mhí bí ámvúv mlíaa, mv ansíbi lobwie asa mlílókwhí mv amv nι? Nkálí ðábwε asa ðde ató wúun ngya?”

²⁰ Mu akwíró amu bele mó onó bee, “Aniyin ání aní bí ní. Aniyin ání anúlókwí mu ansibi obwiepó. ²¹ Táme alíá ìbówé asa òde ató wúun pọ́ òhá ání olobwíí mu ansibi mó á, aníméyín. Kókoli mlí, mlífite mu onutó. Megyí kebi ógyi, aladan. Ọ́bétalí lé mó onó.” ²² Mu akwíró amu bude Yudafọ́ ahande amu ifú nya. Mó sọ́ beblí alí ní. Tsúfẹ́ ahande amu bablí tswi bee, ọ́hagyíọ́ha ání ọ́béblí ọ́béé, Yesu gyí Kristo, (ọ́há ámọ́ Bulu ladá mu ofúli amu) a, bégya mu lé Yudafọ́ ofiakpa inu. ²³ Mó sọ́ mu akwíró amu bee, “Megyí kebi ógyi, aladan, mlífite mu onutó!” ní.

²⁴ Belatí oyin ámọ́ bọ́kwí mu ansibi obwiepó ámu otse nyọ́sı, bláa mu bee, “Ka ntam Bulu ansító ání fẹ́blí ọ́nọ́kwalı. Aniyin ání lakpan ọ́bwepọ́ oyin ámọ́ olobwíí fọ́ ansíbi amu gyí.”

²⁵ Móú oyin ámu léle mó onó ọ́béé, “Ní lakpan ọ́bwepọ́ ogyi o, yilé ọ́bwepọ́ ogyi o, mí mó mmeyin. Toku kule pé nyin. Mógyí, teki bré ámu ntamawun ató, támé séi mó ndewúun.”

²⁶ Móú befité mu bee, “Nkálí ọ́bówé fọ́? Nkálí olobwíí fọ́ ansíbi amu?”

²⁷ Móú ọ́lele mó onó ọ́béé, “Nabláa mlí dodoodo, támé mlumónu. Ntogyi sọ́ ntráa bla mlí? Mlí é mlídékléá mlóówé mu akasíró lóó?”

²⁸ Besia mu, bláa mu bee, “Fúgyí mu ọ́kasíró. Aní náin Mose akasíró aní mó anígyí. ²⁹ Aniyin ání Bulu lítóí bláa Mose asún, támé aníméyín ọ́tínéá oyin ánfı mó otsú.”

³⁰ Oyin ámu lébláa amó ọ́béé, “Ngya ntọ́ asún ní? Mluméyín ọ́tínéá otsú, támé mulábwíí mí ansíbi ni o. ³¹ Aní fẹ́é aniyin ání Bulu tamanú lakpan abwepọ́ isu. Ọ́há ání otobú mó, otegyi mu mblasọ́ isu otonú.

³² Tsú bréá Bulu lóbwe ɔyí ɔpá á, ɔhaa mókónú ání ɔkɔ labwíí ɔhá ání bɔkwíí mɔ ansibi obwiepó ansibi kɪ. ³³ Ní megyí Bulu ɔha oyin ánfɪ gyí á, tekɪ ɔméesalí bwé tɔtɔtɔ.”

³⁴ Ahandɛ amɔ beɛ mó ɔnó beɛ, “Fú ánfɪ fɔgyi lakpan ɔbwepó tsú bréá bɔkwíí fú ánfɪ dékléá fósuná anɪ asón?” Inɔnɔ begya mɔ lé ofiakpa inɔ.

Ɔhétó Ansibi Bwie

³⁵ Yesu lónu ání bagya oyin ámɔ lé ofiakpa inɔ. Mó sɔ bréá olowun mɔ a, ɔɛfité mɔ ɔbéɛ, “Fɔhɔ Nyankpɔsa-Mɔ-Bi ámɔ gyi?”

³⁶ Oyin ámɔ lébláa mɔ ɔbéɛ, “Owíé, suna mí ɔhá ání ogyi, mí anhɔ mɔ gyi!”

³⁷ Yesu lébláa mɔ ɔbéɛ, “Fawun mɔ dodo. Mɔgyí ɔhá ánfɪ ɔɛ fú asón bláa séi ánfɪ á.”

³⁸ Mó ɔyin ámɔ lébláa mɔ ɔbéɛ, “Mí Wíé, nahɔ fɔ gyi.” Inɔ olosúm Yesu.

³⁹ Yesu léblí ɔbéɛ, “Asón ogyíkpa neba ɔyí ánfɪtɔ, ménɪ ahá ání bɔmɛdé ató wúun bówun ató. Ahá ání bɔdewúun é ansibi ibwie.”

⁴⁰ Farisífɔ akɔá bɔbɔ Yesu wá inɔ bonu asón ánfɪ. Mó bɛfité mɔ beɛ, “Mó sɔ fɔɛblí fɛɛ anɪ é anigyí ansibi abwiepó?”

⁴¹ Yesu léɛ mó ɔnó ɔbéɛ, “Ní ansibi abwiepó mlɪgyí á, tekɪ Bulu méɛha mlɪ ipón. Táme íniá mlɪaa mlɪdé ató wúun sɔ á, mlɪ lakpan lasin mlɪsɔ.”

10

Akúfa Ɔkparó Mva Mv Akúfa

¹ Yesu léblí ɔbéɛ, “Ɔnɔkwali ndɛ mlɪ bláa. Ɔhá ání ɔdó tsɔn akúfa ibansɔ wíé mótó, ɔmɔtsɔn ɔkpa ɔnó á, owikplu pú ogyo otswapó ogyi. ² Tsúfé iban ɔnó akúfa ɔkparó tɔtsɔn wie mótó. ³ Iban ámɔsɔ

okípu tefinkí mọ há akúfa okpapọ ámu tebitíwíé. Otápọ akúfa amu dá tí amú, butonú mu ọme, ọtekpá amú dáli. ⁴ Ní okpá akúfa amu fée dáli a, otegya amú nkpa, butobuo mu, tsúfé buyin mu ọme. ⁵ Butamabuo ọfọ. Srí butesrí sí mu, tsúfé bumeyín mu ọme.”

⁶ Yesu léha amú yébi anfi, táme bumonu mọ asi.

Akúfa Okpapọ Wankláán Amu

⁷ Yesu létrá bláa amú ọbée, “Ọnokwalí nde mli bláa. Mígyí akúfa iban ámu ọnó ní. ⁸ Awikplu pọ ogyo atswapọ ahá ání begyankpá ba fée buyi. Akúfa amu bumebi amú ọme. ⁹ Mígyí akúfa iban ámu ọnó ní. Ní oku ọsọn mitọ wíé dáli a, tọtọ mọbwe mọ. Obéyénya atọ gyí mwe. ¹⁰ Owikplu agywun gyí, ọbá bowi, ọmọ, oyinta atọ. Mí mọ neba, méni ahá bénya nkpa ání ilọfon.

¹¹ “Mígyí akúfa okpapọ wankláán ámu ni. Akúfa okpapọ wankláán totsúlá hólí mu nkpa há mu akúfa. ¹² Táme akúfa okpapọ ání ọde ipa gyí, megyí mu onutọ bú akúfa amu tesrí ní owun okpataku ọbá bekitá amú. Okpataku ámu tekítá akúfa amutọ oku, atráhe butedásáín. ¹³ Oyin ámu tesrí, tsúfé ipa keke odegýí. Akúfa amu nkpa tamahían mu. ¹⁴ Mígyí akúfa okpapọ wankláán ámu ni. Nyin mí akúfa, mí akúfa é buyin mi, ¹⁵ fé aliá mí Sí ámu yin mi á, alí mí é nyin mu ni. Ntọhólí mí nkpa há mí akúfa. ¹⁶ Mbu akúfa bámbá akú é. Buma akúfa iban ánfító. Ilehían ání nékpa amú é ba. Amú é bónu mí ọme. Amú fée bóbwe akúfa iku kule pọ okpapọ okule.

¹⁷ “Iní só mí Sí tekle mi asón ní. Tsúfé natsúlá ání nóhulí mí nkpa há ahá, méni nélanyá mọ. ¹⁸ Ọhaa méetalí swíí mí. Mí onutọ latsúlá ání nóhulí mọ.

Mbu okpa hólì mí nkpa, mbu okpa lányá mó é. Iní mí Sí lébláa mí obéé mbwée ní.”

¹⁹ Mv asun blíhé anfi sv Yudafɔ ahande amv bume trá bwe kule. ²⁰ Amótó akv beblí bee, “Oje laláhe bu mutɔ. Mv nwun ideyintá. Ohaa mátrá nu mv asun blíhé.”

²¹ Akv é bee, “Ohá ání oje laláhe bu mutɔ méetalí blí asón anfi odu. Oje laláhe obéetalí bwíí ansibi obwiepó ansibi?”

Yesu Kind

²² Ekeá butópókáin Bulu otswékpá gyvrasv Yerusalem lɔfun. Alí bré ámv igyi lilitɔ. ²³ Yesu lýo odeki Bulu otswékpáto otinekvá butetí inv “Salomo Abrándaású.” ²⁴ Yudafɔ ahande amv akv befia bomlí mv. Befité mv bee, “Omenke kéin asa fébláa aní onakwalí amv? Ní fógyí Kristo, (ohá amóú Bulu ladá mv ofúli amv) a, wuna le mó tii aní.”

²⁵ Yesu lébláa amó obéé, “Nebláa mli bɔtsun, táme mlimédéhogyi. Ofúla amóú ndebwe mí Sí dátó ámv dé mí iwí adánsie gyí. ²⁶ Táme mlimédéhogyi, tsúfé mlimá mí akúfatɔ. ²⁷ Mí akúfa butonú mí ome. Nyin amó, butobuo mli. ²⁸ Ntehá amó nkpa ání itamatá. Bumsóowu ekekeeke. Ohaa méetalí swíí mí amó. ²⁹ Mí Sí amóú olɔpv amó há mí ámv don tógyító. Ohaa méetalí swíí amó lé mí Sí ibitɔ. ³⁰ Mía mí Sí anigyí kule.”

³¹ Inv á, Yudafɔ ahande amv betrá kulá abwi bee abutswí da Yesu mɔ. ³² Táme Yesu léfité amó obéé, “Nabwé ofúla tsɔtsɔtsɔá itsú mí Sí wá súná mli. Mótó mɔmv só mli dékléá mléda mí abwi?”

³³ Bebláa mv bee, “Megyí ofúla ání fabwé kvkvkv só aniaa abéda fó abwi. Alí amóú fablí abususu pókúsú líí Bulusu ámv sv. Nyankpɔsa fvgyi, táme fee Bulu fógyi.”

³⁴ Yesu léfité amó ðbéε, “Buməwanlín wá mli Mbla əwuló ámuτə bæε, Bulu ðbéε, ‘Mli gyí fέ Bulu?’
³⁵ Aniyin ání ənəkwalí Bulu asón igyi. Mú sv ní Bulu létı ahá amúú ələpυ mu asón há ámu ðbéε, bu gyi fέ mu a, ntogyi só mli dé əbló nya? ³⁶ Mí mú á, mí Sí léle mí yái, ngyi mu kle, ələwa mí sísí əyí ánfıtə. Ntogyi só mli déblí mli aa nablí mbéε, ‘Bulu mu Bi ngyi’ sv nablí abususu pókúsú líı mu sv? ³⁷ Ní megyí mí Sí agyómá ndεbwε mú á, mli máhə mi gyi. ³⁸ Táme ní mí Sí agyómá ndεbwε, asa mli móhə mi gyi kóráá á, múmú mli hə ofúla amúú ndεbwε ámu mú gyi, amlıbi ání Mí Sí ámu bu mıtə, mí é mbu mıtə.”

³⁹ Betrá bwe ání békıtá mu, táme əledalı amú ıbi, nátı sí amó.

⁴⁰ Yesu léyinkí fá Yordan əbón ba ətíné amúú Yohane létsiá bó ahá asú ámu, olesi tsiá ıv. ⁴¹ Ahá tsətsətsə beba mu wá, bu de aba bláa bæε, “Yohane móbwε osúna kukukuk, táme asón ání Yohane léblí tsú oyin ánfı ıwı fée laba mútə pépéépé.” ⁴² Ahá tsətsətsə bəhə mu gyi ıv.

11

Lasaro Lowu

¹ Oyin əkwá butetí mu Lasaro mu a mu apio tsihé Maria pú Marta betsiá Betania wúlutə. Oyin ámu lólə. ² Maria anfi létsei mu ofobí fánfáánfán wólı anı Wıe Yesu ayabisυ, pú mu imı tsıtsı mó ni. Mu pio yínhé gyı Lasaro anfi əda ədełə á.* ³ Mú sv mu apio tsihé ánfı bəwa abı sísí Yesu bæε, “Owıé, fú ədwεpú délə.”

* **11:2** ıni kén bu 12:1-8tə.

4 Yesu lónu asón ámu a, ɔleblí ɔbéε, “Megyí ɔ́ ɔ́nfi ɔ́bómɔ́ mu, mboun ɔ́béε Bulu numnyam ɔ́wan. Ibówa mí Bulu mu Bi ɔ́nfi é numnyam.”

5 Yesu tekle Marta mu Maria pú Lasaro fée asón.

6 Táme bréá olonu áni Lasaro délɔ́ á, ɔ́letrá si tsiá ɔ́tínéá ɔ́bu nkenyó kéké. 7 Mú ɔ́ma a, ɔ́lebláa mu akasípú ɔ́béε, “Mliha ayinki yɔ́ Yudea.”

8 Mu akasípú amu befité mu beε, “Osunápú, nwén nfi Yudafɔ́ ahandε bakle abuda fú abwi mɔ́. Mú fεε fétrá yinkí yó inu?”

9 Yesu lópu yébi lé mú ɔ́nɔ́ ɔ́béε, “Megyí ɔ́nhwírí dúanyɔ́ bu ekewóletɔ́? Ní ɔ́ha ná ɔ́yi kehεtɔ́ á, ɔ́tamasúti, tsúfé nsaintɔ́ lówankí, su odewúun.

10 Táme ní ɔ́ku ná oklúntɔ́ á, otosúti, tsúfé ɔ́medé ató wúun.” 11 Asón ɔ́nfi ɔ́ma a, ɔ́letrá blí ɔ́béε, “Ani nyáwíε Lasaro ladídi, táme nɔ́yó anyetsinkí mu.”

12 Akasípú amu bebláa mu beε, “Ani Wíε, ní ɔ́dedídi mú á, iwí bówa mu ɔ́nlín!”

13 Lasaro lowu iwí asón Yesu déblí, táme akasípú amu mú bókí beε mu didí keke iwí asón ɔ́deblí. 14 Inu Yesu lówunáa kpa mú opulu ɔ́béε, “Lasaro lawú. 15 Mli su ilawá mí ansigyí áni mma inu asa olowu, méní mlóhɔ́ mí gyi. Mliha ayeki mu.”

16 Inu Toma áni ogyi Tabí† lébláa mu aba ámu ɔ́béε, “Mliha ania mɔ́nyɔ́ fée ayɔ́, méní ní lowu ígyi kóráá á, ania mɔ́nyɔ́ awu!”

Ọ́hà Àní Ọ́tókósá Àhà Tsú Afúlitó, Há Amó Nkpa

17 Yesu lówíε Betania wúlutɔ́ á, bebláa mu beε bopolá Lasaro ilagyi nkená. 18 Tsú Betania ya Yerusalem mɔ́fun máli anyɔ́. 19 Mú su Yudafɔ́

† 11:16 Didimus móa Toma así gyí Tabí Griiki móa Hebri ɔ́blítɔ́.

tsatsətsə beba Maria mva Marta gyəwɪ əhakpá, amó píó lowu sv.

²⁰ Benya bláa Marta ání Yesu əbá alɪ, ələkʊsú yéfiá mv əkpa. Maria mʊ lésin wóyító. ²¹ Mʊ́ Marta lébláa Yesu əbéε, “Mí Wíε, tɛkɪ ní fɔbʊ nfi á, tɛkɪ mí píó mówu sí mí. ²² Táme séi kóráá nyin ání tógyítá fókʊlí Bulu á, əbéha fó.”

²³ Yesu lébláa mv əbéε, “Fú píó ámv əbélakʊsú.”

²⁴ Marta lébláa mv əbéε, “Nyin ání əbókʊsú εke tráhe amʊ́ afúli bókʊsú ámv.”

²⁵ Yesu lébláa mv əbéε, “Mígyí əhá ání ntəkʊsúa ahá tsú afúlitə, há amʊ́ nkpa. Əhá ání ələhə mɪ gyi owú kóráá á, əbétrá tsiá nkpa. ²⁶ Əhá ání otsie nkpa, ələhə mɪ gyi é móowu εkeεkeεke. Fahə mʊ́sú gyi?”

²⁷ Marta lótsulá mʊ́sú əbéε, “Ee! Mí Wíε, nahogyi ání fógýí Kristo, (əhá amʊ́ Bulu ladá mv ofúli), Bulu mv Bi amʊ́ bεε əbéba əyító ámv nɪ.”

Yesu Lósú

²⁸ Bréá Marta lébli alɪ tá á, oleyinkí ba wóyító betɪ Maria ya itsétó, bláa mv əbéε, “Osunápú laba, əde fó tɪ.” ²⁹ Maria lénya nú mʊ́ alɪ, ələkʊsú yó Yesu wá. ³⁰ (Alɪ bré amʊ́tə á, Yesu mókónyá wíε wúlutə. Əlí ətíné amʊ́ Marta lóyótʊ mv amʊ́.) ³¹ Bréá ahá amʊ́ bʊtsie Maria wá wóyító, bʊde mv klʊn yíá ámv bowun ání alakʊsú ətsáwʊle pé əyó á, bəkʊsú buo mv. Bʊkɪ bεε əyó opulákpá mv yósu.

³² Bréá Maria lówie Yesu wá á, əleda akpawunu, bláa Yesu əbéε, “Mí Wíé, ní fɔbʊ nfi á, tɛkɪ mí píó mówu sí mí!”

³³ Bréá Yesu lówun ání Maria mva ahá amʊ́ bʊbʊo mv amʊ́ féé bodesú a, ɪlɛɦɛ han mv. Mó sv mv ansí lɛpɛ. ³⁴ Əlefíté amʊ́ əbéε, “Nkónó mlɪlópulá mv.”

Inu bebláa mu beε, “Ani Wíe, beki.”

³⁵ Inu Yesu lósú. ³⁶ Mú su Yudafɔ ámu beblí beε, “Ki alíá ɔtehié dwé Lasaro!”

³⁷ Táme amótó aku beblí beε, “Megyí oyin ánfí lóbwií ansibi obwiepú ámu ansíbi ni. Ntogyi sù ɔmetalí kítá Lasaro yáí, alawú?”

Lasaro Kvsóa

³⁸ Yesu ansí létrá pé, ɔlenatí yó opulákpá inu. Ibwi alato bopulá mu, bemináa ibwi tin mú ɔnó. ³⁹ Inu ɔlebláa amú ɔbéε, “Mlúmina ibwi ámu le ɔbó ámu ɔnó.”

Táme owupú ámu mu pio tsíhé Marta lébláa mu ɔbéε, “Mí Wíé, nde aná mú á, alayíntá. Nde eke náásí ɔpá bopulá mu.”

⁴⁰ Yesu lébláa mu ɔbéε, “Mmebláa fu mbée ní fohogyi a, fówun alíá Bulu iwí bu ifú?” ⁴¹ Inu bemináa ibwi ámu lé ɔbó ámu ɔnó. Yesu lótsu ansí fúá ki ɔsúsú, blí ɔbéε, “Mí Sí, nedá fú ipán ání fanú mí ɔme. ⁴² Nyin ání fotonú mí mpáí ekekegyíεke. Táme ahá ánfí bulí nfi ánfí sù nablí alí, méní bóhogyi ání fólówa mí.” ⁴³ Bréá ɔɔbɔ mpáí ánfí tá á, ɔɔkplón blí ɔbéε, “Lasaro, dali ba!” ⁴⁴ Lasaro lédali a, tati klí mu ibi pú mu ayabi. Dúku é klí mu ansító. Yesu lébláa amú ɔbéε, “Mlúsanke mu ɔnati.”

Bekklí Yesu Nwunsv

⁴⁵ Yudafɔ amúú bobuo Maria ba inu ámu bowun tóá Yesu labwé. Mú su amú tsɔtsɔtsɔ bɔhɔ mu gyi. ⁴⁶ Táme amótó aku bɔyɔ yébláa Farisífo ámu tóá Yesu labwé. ⁴⁷ Inonu Bulu igyí ahapú dehen pú Farisífo ámu beti aba asón agyípú fia. Múú befíté aba beε, “Nkálí abóbwe? Lélé mú á, oyin ánfí dé osúna tsɔtsɔtsɔ bwe. ⁴⁸ Ní animéka mu itin á, ɔhagyíɔha

ᾠβόησ μου gyi. Ibéha Romafᾠ béba bobwie anḡ Bulu ᾠtswékpa amv, yíntá anḡ ᾠmá!”

⁴⁹ Táme amótᾠ ᾠkuleá botetḡ mu Kaiafa, ogyi Bulu igyḡ ᾠhapú dehen ofḡ amvᾠ lébláa amú ᾠbéε, “Mḡ mḡ mlíméyḡn ᾠlala! ⁵⁰ Mḡ mlímókóbḡ anḡ ḡbu aléá ᾠbakóle obówu ahá fḡé nwwunv, dvn anḡ ᾠmá amvᾠ ahá fḡé béhḡ?” ⁵¹ Megyḡ Kaiafa onutᾠ agywun ᾠᾠpυbḡlḡ asún anḡ. Táme ḡnḡ ofḡ amvᾠ mvgyḡ Bulu igyḡ ᾠhapú dehen sv á, igyḡ asún anḡ ᾠleblḡ tswḡ anḡ ḡlehián anḡ Yesu obówu há Yudafᾠ ᾠmá. ⁵² Megyḡ beε ᾠmá amv nkule pé sv obówu, mboun alḡ ᾠbékpa Bulu ahá anḡ badásáḡn fḡé bᾠwa abatᾠ, bᾠbwe ḡkule sv.

⁵³ Tsú eke amv bᾠwa agywun bwe anḡ bᾠmᾠ Yesu bl. ⁵⁴ ḡnḡ sv Yesu métrá tsiá lé ḡwḡ ᾠwan Yudafᾠ. Mboun ᾠlenatḡ yᾠ wḡlu kvá botetḡ mᾠ Efraim, anḡ ḡbu dimbḡsᾠ. Mva mu akasḡpᾠ amv betsiá ḡv.

⁵⁵ Bré amvᾠ á, Yudafᾠ nkeá bᾠpυgyḡ Israelfᾠsv Katsun Nke amv lawḡé wᾠyḡ tá. Ahá tsᾠtsᾠtsᾠ bᾠtsu awḡulusv dᾠ yᾠ Yerusalem anḡ bᾠyᾠgyvᾠráa ḡwḡ asa nke amv ḡv. ⁵⁶ Bréá bᾠyᾠ Bulu ᾠtswékpa wunsḡnésᾠ ḡv á, bodunká anḡ bᾠwun Yesu. Mᾠ sv befité aba beε, “Nkálḡ mlḡdékḡ? Mḡlahogyḡ mlḡaa, ᾠbéba nke anḡfitᾠ lᾠó?” ⁵⁷ Táme bré amvᾠ á, Bulu igyḡ ahapú dehen pᾠ Farisifᾠ amv bablᾠa ahá beε, ní ᾠku owun ᾠtḡnéá Yesu bv a, ᾠhá amú ḡbḡ, ménḡ beyékitá mu.

12

Ofobḡ Fánfánfán Pᾠwḡlḡ Yesu (Mateo 26:6-13; Marko 14:3-9)

¹ Ilesi nkenḡsíé abᾠgyḡ Israelfᾠsv Katsun Nke a, Yesu lᾠyᾠ Lasaro amú ᾠᾠkusᾠa tsu afḡlḡtᾠ amv wḡlūtᾠ Betania. ² Mᾠ ntᾠpwe sv bᾠtswḡ ᾠpᾠnᾠ há mu.

Marta léye atogyihe ὀρόνó ámu asi. Lasaro muva ahá ámuó beti ámu bowa ibi gyi ató Yesu wá. ³ Inu Maria lópu ofobí fánfáánfán ání ibu ibiá préntua yilé ὀbὀ betseí wólí Yesu ayabisu, ὀlὀpu mu nwunsumi tsítsi mú. Ofobí ámu ὀfan lὀhὀ wóyí ámuὀtὀ fὀé.* ⁴ Táme Yuda Iskariot, ogyi Yesu akasípó amuὀtὀ ὀkuὀle, ὀbéle Yesu há ámu mú léblí ὀbéε, ⁵ “Ofobí ánfí bu bíá. Ntogyi sὀ buμεφε mú, pὀ kὀba amu há ahiánfὀ? Mú bíá bὀbwe ὀbakúle ofi ὀkuὀle akatua.” ⁶ Megyí ahiánfὀ nwewúun su Yuda dé asón ánfí blí. Owikplu ógyi su. Mu wá sika okentebi bu, otetsiá wí ku lé mútὀ.

⁷ Yesu léblí ὀbéε, “Mlisi mu ὀpu ofobí ánfí wuὀli mí ha mí opuláké. ⁸ Ahiánfὀ mú bétsiá mli wá ekekegyíεke, táme mí mú mméetsiá mli wá yó.”

Bekikli Lasaro Nwunsv

⁹ Yudafὀ tsὀtsὀtsὀtὀ bonu ání Yesu laba Betania. Mú su begya ὀkpa yó mu ὀkíkpa. Megyí mu nkuὀle su bὀyὀ un. Beyéki Lasaro amóu Yesu lókusὀa tsu afúlitὀ ámu é. ¹⁰ Mú su Bulu igyí ahapó dehen amu bὀbwe agywun beε bὀmὀ Lasaro é. ¹¹ Tsúfé mu kusὀa tsu afúlitὀ su Yudafὀ tsὀtsὀtsὀtὀ bude ὀma yinkí bὀhὀ Yesu gyi.

Bὀhὀ Yesu Fé Owíe Yerusalem

(Mateo 21:1-11; Marko 11:1-11; Luka 19:28-40)

¹² Oyi kehe a, ὀdam amóu baba nke ogyíkpá amu bonu ání Yesu ὀbá Yerusalem. ¹³ Mú su beka mbláa, bὀpu ὀkpa beyéfia mu. Bude okitikíti beε, “Hosiána! Bulu oyúla ὀhá anfi ὀna aní Wíε Bulu dátὀ ὀbá anfi! Bulu oyúla Israel Owíε amu!”

* **12:3** Oyi kuá butetí Naadi nlin butὀpὀbwé ofobí ámu.

²⁷ Yesu lóyɔ mósú ɔbéε, “Séi á, asún dé mí klɔn háan! Amansu nébli? Blí ntebli mbéε, Mí Sí, ɛ mí tsu asun wunhe anfitɔ lóó? O-o, mó su neba ni. ²⁸ Mí Sí, wa fɔ iwɪ numnyam!”

Inu á, ɔme ɔku lótsu ɔsúsú ba ɔbéε, “Nawá mí iwɪ numnyam dodo. Nétrá wa mó.”

²⁹ Bréá ɔɔm amóú bulí inu ámu bonu ɔme amu a, bebli beε “Ɔpráda lapútí.” Aku é beε, “Bulu-ɔɔpu lábláa mu asún!”

³⁰ Inu Yesu lébláa amó ɔbéε, “Mli su ɔme anfi lalin, megyí mí. ³¹ Bréá Bulu obégyi ɔyítɔfɔ asún ní. Bréá Bulu ɔbékplí Ɔbunsám, ɔyísú ogyípú amu obiású ní. ³² Táme mí mó á, ní bedá mí mántá oyikpalíhesu, tsú mó líí á, nékpa ahá fée ba mí iwɪ wá.” ³³ (Yesu lébli asún anfi púsúná lowu oduá mówu.)

³⁴ Inu ɔɔm amu befité mu beε, “Ani mó anilónu tsú ani Mbla ɔwoló ámutɔ ání Kristo, (ɔhá amóú Bulu ladá mu ofúli amu) obétsiá bré fée. Mó ntogyi su fódébli fεε, ilehián ání bedá Nyankpɔsa-Mu-Bi ámu mántá oyísú, tsú mó líí? Ma gyí Nyankpɔsa-Mu-Bi ámu?”

³⁵ Yesu lébláa amó ɔbéε, “Bré kpalobí ku pé ɔlasí ání Wanki amu ɔbétrá tsiá mli wá. Iníá Wanki amu trá ɔbu mli wá á, mlinati wanki amutɔ, ménɪ owí méeta wá mli. Tsúfé ɔhá ání ɔna oklúntɔ tamabí ɔtɪnéá ɔyó. ³⁶ Bré anfi wanki† amu trá ɔbu mli wá á, mliho mu gyi, ménɪ mlóbwe wanki amu abí.”

Yudafɔ Yesu Máhogyi

Bréá Yesu lébláa amó asun anfi tá á, ɔlenatí yéɲaín. ³⁷ Iníá ɔlɔbwe osúna tsɔtsɔɔtsɔ amó ansítɔ ó á, buɔmɔho mu gyi. ³⁸ Iní léha Bulu ɔnósú ɔtɔípú

† 12:36 Yesu gyí Wanki amu.

Yesaia asón á múú òlèbí tswí dodo amú léba mútó.
 Ǫbée,

“Aní Wíe, ma láhò asón á múú anulébí á músv gyi?

Ma aní Wíe alá mú túmí súná?”

³⁹ Mú sv búmetá lí hò Yesu gyi, tsúfé Yesaia létrá bí
 Ǫbée,

⁴⁰ “Aní Wíe Bulu lahá búmedéwúun,
 búmedé asón nu,

Mú sv búmóowun ató,
 búmóonu asón, méní bédamlí ba mí wá,
 nétsa amú ilo.”

⁴¹ Yesaia lówun Yesu numnyam. Mú sv òlèbí
 asón ánfí tsú mú iwí ní.

⁴² Mú ó á, Yudafo ahande amú tsòtsòtso bóhò mú
 gyi, táme búmele amó hógýi òwan. Tsúfé benya ifú
 ání Farisifo ámu bébi amó, gya amó lé amó ofiakpa.

⁴³ Tsúfé bútekle beé ahá búkánfu amó òwón ání Bulu
 Ǫbékánfú amó.

Yesu Asón Bulu Ǫbópvgýi Ahá Asón

⁴⁴ Yesu lókpłon bí Ǫbée, “Megýí mí nkòle
 ǪhagýíǪha ání òlòhò mú gyi déhógýi. Ǫhá á múú
 òlòwa mí sísí ámu é. ⁴⁵ ǪhagýíǪha ání òde mí wúun
 dé Ǫhá á múú òlòwa mí sísí ámu é wúun. ⁴⁶ Naba
 Ǫyí ánfító fé wanki, féki Ǫsulóv anfisv iwanki, méní
 ǪhagýíǪha ání òlòhò mú gyi méésin oklúntò. ⁴⁷ Ní
 Ǫkv onú mí asón, táme omegýi músú á, megýí mí
 Ǫbéha mú ipón. Tsúfé mméba asón ogýíkpa. Ahá
 nkpa Ǫhókpa neba. ⁴⁸ Ǫha ání okíná mí, Ǫmòhò mí
 asón é bú asón ání bópuhá mú ipón. Mí ason blíhé
 amú íbéha mú ipón eke tráhe amú. ⁴⁹ Tsúfé megýí
 mí onutó túmí nòputí. Mí Sí lówa mí sísí. Múléha
 mí asón ání mblí, pú alá mblí mú. ⁵⁰ Nyin ání mú
 asón ámu ítehá nkpa ání ítamató. Mú sv asón ání
 Ǫtòwá mí bí kóún ntebí.”

13

Akasípú Amu Ayabiası Fwı

¹ Asa béfi Israelfosu Katsun Nke ámu gyı ası á, Yesu lébı ání mu bré lafun ání médalı ɔyí ánfıto yó mu Sı wá. Ɖɔɔwε ahá ámúú bugyi mu kle ɔsolósu nfi ámu alı yófun mu owuké.

² Mba mu akasípú amu befia ntópwe ató ogyíkpa. Alı bré ámutɔ á, ɔbunsám lawúna wie Simon Iskarıot mu bi Yuda klontɔ ání ɔyéle Yesu ha. ³ Yesu yin ání mu Sı lópu tógýító wá mu ıbitɔ. Oyin ání Bulu wá motsu ba, mu wá méyinkı yó ní. ⁴ Mú su ɔlele ıbı ɔlepe ámutɔ, ɔlkuşú wóı mu atadie tswı, tsú ɔsan sába. ⁵ Ɖletséı ntsu wá onuwétó, olefi ası ɔde mu akasípú amu ayabiası fwı. Ɖfwı ɔmáýın a, alapú mu osíétó ɔsan ámu tsıtsı mu ayabiası. ⁶ Bréá ıɔtu Simon Petro a, ɔlefıté Yesu ɔbéε, “Mı Wıé, fı ɔbófwi mı ayabiası?”

⁷ Yesu léle mú ɔnó ɔbéε, “Fumóonu tó ánfi ndεbwε ánfi ası séı. Ɖma asa fóbónu mú ası.”

⁸ Mú Petro lébláa mu ɔbéε, “O-o! Mméesi, afufwi mı ayabiası ekekekeke.”

Yesu lébláa mu ɔbéε, “Nı mmɔfwı fı ayabiası á, foméenya ogyíkpa mı wá.”

⁹ Simon Petro lébláa mu ɔbéε, “Mı Wıé, megyı mı ayabi nkule. Wuna fwı mı ıbı pú mı nwuntɔ é.”

¹⁰ Yesu lébláa mu ɔbéε, “Ɖhá ání alabie ntsu métrá hián nsubıé. Mboun mu ayabiası fwı pé, tsúfé alalın dodo. Mlı ıwı lalın, táme megyı mlı féé.”

¹¹ (Yesu lébláa mu alı, tsúfé oyin ɔhá ání ɔbéle mu há. Mú su ɔleblı ɔbéε, “Megyı mlı féé lalın” nı.)

¹² Bréá ɔbıfwı amú ayabiası tá á, ɔlelatsú mu atadie wá, yınkı yétsıá ɔpónú ámu ası. Múú ɔlefıté amú ɔbéε, “Mlılanú ıtó ánfi nabwé há mlı ánfi ası?”

¹³ Mlitetí mí ‘Osunápú,’ mlitetí mí ‘Owíé.’ Mú ɔkpa ní, tsúfẹ́ mó ngyi ní. ¹⁴ Ní mí ání ngyi mli osunápú pú mli Wíe, nafwí mli ayabiasí á, mómó ilehián ání mli é mlófwí mli aba ayabiasí. ¹⁵ Nabwé súná mli, méní mlóbwé mó alí ámúú nabwé mó há mli ámú. ¹⁶ Ɖnɔkwali nde mli bláa. Osúmpú ɔkuku módun mu wie. Alí kén sumbí ɔyɔpú módun ɔhá ání ɔlɔwa mu ní. ¹⁷ Iná mlilabí ɔnɔkwali anfi á, Bulu obóyulá mli ní mlegyi músó.

¹⁸ “Megyí mli fẹ́é ɪwí asún ndeblí. Tsúfẹ́ nyin ahá ání nalé. Táme lehián ání Bulu asún anfi ɪbéba mótó. Asún ámú ɔbéé, ‘Ɖhá ámúú mía munyɔ anidé ɪbɪ wa ɔlepɛtɔ ámú lakúsú líí mísó.’ ¹⁹ Nde mli bláa séi asa ɪba, méní ní ɪbá á, mlóhɔ mli gyi ání mígyí ɔhá ámúú mbéé ngyi ámú ní. ²⁰ Ɖnɔkwali nde mli bláa. Ɖhagyíɔha ání ɔlɔhɔ ɔhá ání nɔwa sumbí lahɔ mli. Alí kén ɔhagyíɔha ání ɔlɔhɔ mli lahɔ mí Sí ámú ɔlɔwa mí sísí ámú é ní.”

Yesu Le Há

(*Mateo 26:20-25; Marko 14:17-21; Luka 22:21-23*)

²¹ Bréá Yesu léblí asún anfi tá á, asún ihíé de mu háan mu kluntɔ. Mú su olowunáa kpa mó tati ɔbéé, “Ɖnɔkwali nde mli bláa, mliɔ ɔkule ɔbéle mí há.”

²² Akasípú amú bekpelé kí aba ansító, tsúfẹ́ bumeyín amótó ɔmúá ɔde. ²³ Akasípú amutɔ ɔkuleá otsie mantáa Yesu, gyí ɔmúá Yesu tehíé dwé ní. ²⁴ Mú su Simon Petro lóbun mu ansíbi ɔbéé, ɔfite mu ɔhá ání ɔbéle mu há.

²⁵ Múú ɔkasípú amú léyinkí kpísá Yesusu, fité mu ɔbéé, “Mí Wíé, ma ɔbéle fú há?”

²⁶ Yesu lébláa mu ɔbéé, “Ɖhá ámúú nébia bodobodo, púdá oputsútó há ámú gyí mu ní.”

Inu olebia bodobodo pódá oputsútó há Yuda, ogyi Simon Iskariot mu bi. ²⁷ Olenya hɔ mú alí, ɔbunsám lówie mɔtɔ. Mú su Yesu lébláa mu ɔbéε, “Bwe tóá fɔdekléá fóbwe sasa!” ²⁸ Ahá ámúú bɔtsie ɔpónú ámu así ámɔtɔ ɔkɔkɔ mébi tóá suá Yesu lébláa mu asún ánfí. ²⁹ Amótó akɔ buki beε, Yuda gyí amú sikasu ɔkípu. Fíali Yesu dé mu bláa ɔbéε, ɔyóhɔ atóá bópɔgyi nke ámu, ntée ɔpúú tɔku ya ahiánfɔ.

³⁰ Yuda lénya hɔ bodobodo amu alí, ɔledali. Owí latá alí bré ámu.

Mbla Pɔpwe

³¹ Yuda lénya dáli obuto inu alí Yesu lébli ɔbéε, “Bréá Mí, Nyankpɔsa-Mu-Bi ánfí numnyam bélin ɔwan ní. Bulu ɔbótsɔn misu lé mu numnyam ɔwan.

³² Ní ɔtsɔn misu lé mu numnyam ɔwan á, alí kén ɔbótsɔn mu iwisu lé mí numnyam ɔwan ní. ɔbówa mí numnyam inuɔ. ³³ Mí abí, mméetrá tsiá mli wá, wá ɔpá. Mlódunká mí. Alí ámúú nebláa Yudafo ahande amu mbée, ‘Mliméetalí ba ɔtínéá nɔyó ámu’ a, alí kén nde mli bláa mli é ní. ³⁴ Mbla pɔpwe ndewa há mli mbée, mliɔwe aba. Alí ámúú nɔɔwe mli ámu a, alí kén mliɔpú ɔɔwe ámu ɔwe mli aba ní. ³⁵ Ní mliɔde aba ɔwe á, ibósuná ahá féé ání mí akasípú mligyí.”

Petro ɔbóswí ɔbéε Mɔmeyin Yesu

(Mateo 26:31-35; Marko 14:27-31; Luka 22:31-34)

³⁶ Simon Petro léfité Yesu ɔbéε, “Mí Wíé, nkónu fɔyó?”

Yesu léle mú ɔnó ɔbéε, “ɔtíné ámúú nɔyó ámu a, foméetalí buo mi yó inu séi. Táme ɔma a, fóbobuo mi.”

³⁷ Petro léfité mu ɔbéε, “Mí Wíé, ntogyi só mméetalí buo fu séi. Nówu fó su!”

³⁸ Yesu léfité mu ɔbéε, “Fówu mí su? Ɖnɔkwali ndε fó bláa. Fówu pɔ ɔbi wá ogyá tse sa fεε fumeyín mí asa bate ɔbéε ɔnó.”

14

Ɖsí Amv Wá Ɖkpa

¹ Yesu lébláa mu akasípó amv ɔbéε, “Opúni mátsiif mli. Mliɔ Bulu gyi, amlɔ mli gyi. ² Otsiákpá tsɔtsɔtsɔ bu mí Sí wóyító. Ní otsiákpá ma inu á, teki mmεbláa mli mbéε neyéla inu yáí mli. ³ Ní nɔyó yéla otsiákpá amv yáí mli tá á, néyinkí bá bekpa mli yáa mí iwí wá, méní mlétsiá ɔtínéá mbu. ⁴ Mliyin ɔkpa ání ida yɔ ɔtíné ámú nɔyó.”

⁵ Inu Toma léfité mu ɔbéε, “Mí Wíé, animéyín ɔtínéá fɔyó, nkáli abóbwe abébi ɔkpa ámu?”

⁶ Yesu léle mú ɔnó ɔbéε, “Mígyí ɔkpa ámu, ɔnɔkwali amv pɔ nkpa ámu. Ɖhaa méetalí yó mí Sí ámu wá, nkéti alatsun misu. ⁷ Ní mliyin mli lélé á, teki mlilabí mí Sí ámu é. Táme séi mú mlilawun mu, mlilabí mu é.”

⁸ Filipino lébláa mu ɔbéε, “Ani Wíé, suna ani fó Sí ámu. Mú kpán tsɔ ani.”

⁹ Yesu léfité mu ɔbéε, “Filipo! Mbu mli wá dododo. Mú su fumakóbí mí? Ɖhagyíɔha ání alawun mli ki lawun mí Sí ámu. Ntogyi só fúdeblí fεε, nsúna mli Ɖsí ámu? ¹⁰ Fumohogyi ání mbu mí Sí ámutɔ, mu é ɔbu mitɔ? Asún ánti ndε mli bláa ánti motsú mí onutó wá. Mboun mí Sí ámú ɔbu mitɔ ámu dé mu agyómá yɔ. ¹¹ Ní ndε mli bláa mbéε, mbu mí Sí ámutɔ, mu é ɔbu mitɔ á, mliɔ mli gyi. Ní mlímóɔha asún ámusu gyi óó á, ofúla amú ndεbwe

ámυ sυ mlhḡ mɪ gyi. ¹² Ɖnḡkwali nde mli bláa. Ɖhagyíḡha ání ɔlḡḡ mɪ gyi a, ɔbóbwe itḡá ndebwe. Ɖbóbwe mú dɔn mí klé, tsúfé mí mú nḡyḡ mí Sí ámu wá. ¹³ Nóbwe tḡgyítḡá mlókólí mí idátḡ há mli, ménɪ nḡwa mí Sí ámu numnyam. ¹⁴ Ní mləkólí tḡgyítḡ mí idátḡ á, nóbwe mú.

Ɖḡe Wankíhé Amv Ibá

¹⁵ “Ní mliḡdwé mí á, mlégyi mí mblasυ. ¹⁶ Nókólí mí Sí, ɔbḡpu Ɖma Ɖlípú bambá sísí mli, ɔbéba betsiá mli wá bré fḡé. ¹⁷ Mvgyí Ɖḡe Wankíhé. Mḡtḡsúná ɔnḡkwali ání ibυ Bulutḡ. Ɖyítḡ ahá bυméetalí hḡ mυ, tsúfé bυmedé mυ dunká. Bυméebi mυ é, táme mli mú mliyin mυ, tsúfé ɔbυ mli wá, obétsiá mliḡ.

¹⁸ “Mméesi mli tswɪ fé awumbi. Néyinkí bá mli wá. ¹⁹ Iasí kpalobí ɔyítḡ ahá bυméetrá wun mli, táme mli mú mlḡwun mli. Iníá mbυ nkpa sυ á, mli é mlétsiá nkpa. ²⁰ Ní eke ámu ifun a, mlébi ání mbυ mí Sí ámυḡ. Mli é mliḡ mliḡ fé alɪ ámḡú mí é mbυ mliḡ ámu.

²¹ “Ahá ání bυde mí mblasυ gyí a, amḡgyí mí adwepú ní. Ɖhagyíḡha ání ɔḡdwé mí á, mí Sí ɔbḡdwε mυ. Mí é nḡdwε mυ, lé mí iwɪ ɔwan súná mυ.”

²² Mḡú Yuda (megyí Yuda Iskariot) léfité mυ ɔbéε, “Mí Wie, ntogyi só anɪ nkυle pé fḡε iwɪ ɔwan súná, megyí ɔyítḡ ahá fḡé?”

²³ Yesu léle mú ɔnḡ ɔbéε, “Ní ɔkυ dé mí dwe á, ɔbóbwe dínká mí atosunáhésυ. Mí Sí ɔbḡdwε mυ. Mía mí Sí ámu nḡḡ abéba betsiá mυ wá. ²⁴ Ɖhá ání ɔtamadwé mí ɔmḡɔbwe dínká mí atosunáhésυ. Asún ánfɪ ndεblí mliḡénu ánfɪ motsú mí onutḡ wá. Mí Sí lḡwa mí, mυ wá itsú.

²⁵ “Nde mli asún ánfɪ bláa, séi ánfɪ mbυ mli wá. ²⁶ Táme Ɖma Ɖlípú, ogyi Ɖḡe Wankíhé amḡú

mí Sí ɔ́bɔ́pɔ́sísí mí ɪ́dátó ámu obósuná mli tógyító. Ɖbékaín mli asóngyíasún ání nebláa mli.

²⁷ “Iwilwii nde mli ha! Napó mí iwilwii há mli. Megyí mú ámúb ɔ́yítófo bɔ́tehá ámu odu. Mlímáha opúni itsii mli. Ifú é mákítá mli. ²⁸ Nabláa mli bɔ́tsɔn mbéε, ndenatí, táme néyinkí bá mli wá. Ní mli tɔ́dwé mí á, teki mlénya ansigyí ání nɔ́yó mí Sí wá, tsúfé ɔ́dɔn mli. ²⁹ Nde mli ínɪ fée bláa yaí, ménɪ ní ɪ́bá mótó á, mlóhogyi. ³⁰ Mmétrá tóí yó nkpa, tsúfé ɔ́yísó ogyípó ámu ɔ́bá. Ɖma túmi mísú. ³¹ Ntonú mí Sí ɔ́me, ménɪ ɔ́yítófo bébɪ ání ntɔ́dwé mu.

“Mlikɔ́svu anati.”

15

Wáɪn Oyi Onutó

¹ Yesu léblí ɔ́béε, “Mígyí wáɪn ɪ́fla onutó. Mí Sí gyí mú ɔ́dɔ́pɔ. ² Bámbigyí bambia ɪ́bu mí ɪ́wi, itamaswíé á, ɔ́tekpálí mú tsítsá. Táme kugyíkɔ́á itoswíé á, ɔ́telá mú wankláán, ménɪ ɪ́bóswie tsɔ́tsɔ́tsɔ́ dɔ́n. ³ Mí atosunáhé anfi mlilanú anfi sv mli ɪ́wi latin dodo. ⁴ Mlitsia mító, mí é antsia mli tɔ́. Bámbi kɔ́kɔ́kɔ́ méetalí swíé abí, nkéti itsa mú oyísó brégyíbré. Alí kén mli é mlíméetalí swíé abí, nkéti mli bu mli tɔ́ ní.

⁵ “Mígyí wáɪn ɪ́fla ámu. Mligyí mú abámbi. Ɖhá ání ɔ́bu mli tɔ́, mí é mbu mli tɔ́ obóswie abí tsɔ́tsɔ́tsɔ́, tsúfé mlíméetalí bwé tɔ́tɔ́tɔ́ tsɔ́n mí ɔ́ma. ⁶ Ɖhagyí ɔ́ha ání ometsie mli tɔ́ gyí fé bambia bakpálí mú bun, ɪ́bówɔli, békpa mú wá ogyá. ⁷ Ní mlitsie mli tɔ́, mí asón é ɪ́bu mli tɔ́ á, mléfite mí Sí tógyítá mlí déklé, ɔ́béha mli. ⁸ Ní mloswíé abí tsɔ́tsɔ́tsɔ́ á, ɪ́bówa mí Sí numnyam. Mú obósuná ání mí akasípó mligyí ní. ⁹ Alí ámúb mí Sí tɔ́dwé mí ámu a, alí kén mí é ntɔ́dwé mli ní. Mlitsia mító, ménɪ nódwε mli yó.

¹⁰ Ní mlegyi mí mblasu á, nódwε mli yó, fé alí ámúú mí é ntegyi mí Sí mblasu, otodwé mí yó ámu.

¹¹ “Nabláa mli asón ánfí fée, méní ansigyí ámúú ibu mito ámu bétsiá mli. Fówun ansí bégyi mli wankláán. ¹² Mbla ání ndεpuhá mli gyí; mliwε aba fé alíá ntodwé mli. ¹³ Odwε kuku madón ání oku obówu mu nyawie nwunso. ¹⁴ Ní mlegyi mí mblasu á, mí anyawie mli gyí. ¹⁵ Mmétrá ti mli mí asúmpó. Tsúfé osúmpó méyín tóá mu wie débwε. Nde mli ti mí anyawie, tsúfé nabláa mli tógyítóá nonu tsú mí Sí wá. ¹⁶ Megyí mli léle mí. Míléle mli yáí mbée, mliyóó amliyoswie abíá íbétsiá bré fée, méní mí Sí obéha mli tógyítóá mlókolí mu mí idátó. ¹⁷ Mbla ání ndewa há mli gyí, ‘Mliwε aba.’

Ahá Bólu Mli

¹⁸ “Ní oyító ahá bude mli lu á, mlikain ání mí begyankpá lú. ¹⁹ Ní oyító ahá mli gyí a, teki oyító ahá bódwε mli fé amú abí. Táme nalé mli tsú oyítófóto, su mli má amótó. Iní su oyítófó botolú mli ní. ²⁰ Mlikain asón ámúú nebláa mli mbée, ‘Osúmpó okuku módun mu wie’ amuso. Ní ahá budin mísú a, mli é bédinká mli su. Ní begyi mí asónsú á, mli é bégyi mli asónsú. ²¹ Táme míbú mli, su bópu íní fée gyi mli, tsúfé bumeyín ohá ámúú olowa mí ámu. ²² Ní mmakóbláa amú asuansu á, teki buma ipón kuku gyí. Táme séí ánfí mó buma onó lé. ²³ Ohagyíoha ání otolú mí tolú mí Sí é. ²⁴ Nabobwε agyómá ání ohaa mókóbwé mó odu kí amótó. Ní bumapu amú ansíbi wun mó á, teki Bulu mééha amú ipón. Bowun tóá nobwε asa bude mía mí Sí lu. ²⁵ Ilehíán ání íbéba alí, méní asón ámúú bowanlín wá amú Mblatε beε, ‘Bolu mí kpaali’ ámu íbéba mótó.

²⁶ “Nówa Ōma Ōlípó obótsu mí Sí wá bá. Múgyí Ōye Wankíhé amu. Mótósúná ɔ̀nɔ̀kwali ání ɪbu Bulutɔ̀. Obégyi mí ɪwɪ adánsɪɛ. ²⁷ Mɪ é mlégyi mí ɪwɪ adánsɪɛ, tsúfé mlɪlatsiá mí wá tsú bréá nefi ató suná asi.

16

¹ “Nabláa mlɪ asún anfi fée, ménɪ mlɪmédɪda hógyitɔ̀. ² Yudafo ahandɛ bégya mlɪ lé amó ofiakpa. Bré ku kúráá ɪbéba ání ahá bómɔ mlɪ, súsu bɛɛ Bulu agyómá buɔɛyɔ̀. ³ Bópɔ ɪnɪ gyi mlɪ, tsúfé buɔ̀mɔkóbí mí ntée mí Sí ámu. ⁴ Táme nabláa mlɪ asún anfi, ménɪ ní ɪbá á, mlékaín ání nebláa mlɪ yáí.

Ōye Wankíhé Gyumagyihɛ

“Mmɔ̀kɔ̀sí bláa mlɪ asún anfi, tsúfé mbu mlɪ wá. ⁵ Táme séi ndɛ mlɪ bláa, tsúfé nɔ̀yó ɔ̀há ámuó ɔ̀lɔ̀wa mí sísí ámu wá. Táme mlɪtɔ̀ ɔ̀kukɔ̀ méfité mí ɔ̀béɛ, ‘Nkúnú fɔ̀yó.’ ⁶ ɪniá nabláa mlɪ asún anfi su á, awɪrɛhɔ̀ lahíé kítá mlɪ. ⁷ Táme ndɛ mlɪ ɔ̀nɔ̀kwali bláa. Ōkláa lawá mlɪ ogyá ání nɔ̀yó. Tsúfé ní mmɔ̀yɔ̀ á, Ōma Ōlípó amu ɔ̀méesba mlɪ wá. Táme ní nɔ̀yó á, nópɔ mu sísí mlɪ. ⁸ Ní ɔ̀bá á, ɔ̀béle súná ɔ̀yítɔ̀ ahá ání lakpanbwe su bafwí, ɔ̀béle tóá igyi Bulu yilébwe pú mu asóngyí é súná amó. ⁹ Bébi ání mísó máhogyi igyi lakpan. ¹⁰ Bébi tóá igyi Bulu yilébwe, tsúfé nɔ̀yó mí Sí wá, mlɪmétrá wun mɪ ɛkɛkɛkɛ. ¹¹ Bébi tóá igyi Bulu asóngyí, tsúfé Bulu lahá ɔ̀bunsám, ogyi ɔ̀yísó ogyípó amu ipón dodo.

¹² “Mbu asún tsɔ̀tsɔ̀tɔ̀ ání nébláa mlɪ, táme mlɪmétalí nú mú fée asi séi. ¹³ Ōye Wankíhé amu tósúná ɔ̀nɔ̀kwali ání ɪbu Bulutɔ̀. Ní ɔ̀bá á, ɔ̀béle asún ání igyi ɔ̀nɔ̀kwali fée súná mlɪ. Tsúfé megyí mu onutó túmitɔ̀ ɔ̀bótáí, mboun ɔ̀béblí asún kugyíkúá

olonu. Ɔbébláa mli m'á íbéba é. ¹⁴ Ɔhé ámu ɔ́b'wa mí numnyam, tsúfé ɔ́bébláa mli asón ání nteblí. ¹⁵ Tógyítá mí Sí búu a, mí bú. Mó su nabláa mli mbéé, Ɔhé ámu ɔ́bébláa mli asón ání nteblí ní.

Akasípó Amu Awirehɔ Pó Ansigyí

¹⁶ “Ílasí kpalobí m'íméetrá wun mi, táme im'ɔ́wa ɔ́pá kuku mlélawun mi.”

¹⁷ Akasípó am'ɔ́ ak' befité aba beé, “Ngya ntɔ́ asón ní? Ɔbéé, ílasí kpalobí, an'íméetrá wun mu, táme im'ɔ́wa ɔ́pá kuku, abélawun mu. Ɔdeblí é ɔ́béé, ‘N'ɔ́yó mí Sí wá?’ ¹⁸ ‘Ílasí kpalobí’ ánfí así mé? An'ímédé asón ánfí ɔ́deblí ánfí así nu.”

¹⁹ Yesu léb'í ání akasípó am' b'ɔ́deklé ab'ufite mu asón ámu'ɔ́. Mó su ɔ́lébláa am' ɔ́béé, “Blí ndeblí mbéé, ílasí kpalobí m'íméetrá wun mi. Táme im'ɔ́wa ɔ́pa kuku mlélawun mi. Ín'í ml'ídé aba fité ní? ²⁰ Ɔn'akwalí nde mli bláa. Ml'ósu k'písí, táme ɔ́yít'ó ahá mú bénya ansigyí. Mlégyi awirehɔ́, táme mli awirehɔ́gyí am' íbéba bemlí ansigyí. ²¹ Ní ikwí de ɔ́tsi dwiín á, ah'um'ití tekítá mu, tsúfé mu iw'iasin wúunb'í lafon. Táme onyákwíí tá pé ɔ́tetan mu iw'iasin ámu'su, tsúfé ansí de mu gyí ání makwíí obí wá ɔ́yít'ó. ²² Alí kén igyi há mli ní. Ah'um'ití de mli séi, táme nélawun mli. Mó su ml'éh'ie nyá ansigyí ání ɔ́haa méetalí ká mli itin.

²³ “Alí eke ámu a, m'íméetrá kulí mí t'ɔ́t'ɔ́t'ɔ́. Ɔn'akwalí nde mli bláa. Tógyít'á ml'ókulí mí Sí mí idát'ó a, ɔ́béha mli. ²⁴ B'ɔ́tu nde m'ím'ók'úfité t'ɔ́t'ɔ́t'ɔ́ mí idát'ó. M'ífite, ɔ́béha mli, mén'í íbéh'ie wá mli ansigyí.

Yesu Ɔyísó Gyí

²⁵ “Nde mli asón ánfí bláa ayébisu, táme bré ku béba, m'íméetrá t'óí ayébisu. N'ówuná kpa mí Sí asón

tati súná mli. ²⁶ Tsú bré ámuṣu póya a, mlókulí mí Sí ámu ató mí idátó. Mmedéblí mbéé, mí obókulí mu ató há mli. ²⁷ Tsúfé mí Sí ámu onutó tɔdwé mli. Ɖɔdwé mli, tsúfé mli tɔdwé mí, mlilahogyi ání notsú mu wá. ²⁸ Mí Sí wá notsu ba ɔyító. Séi á, ndeyinkí tsú ɔyító nɔyó mí Sí ámu wá.”

²⁹ Inu akasípó amu bebláa mu beε, “Ehéen! Séi mú á, fɔtráa fumedétoí ayébisu. ³⁰ Séi mú anlabí ání foyin tógyító. Mó su mehián ání ɔhaa ɔbétrá fité fó asuansu. Inu lahá anlahogyi ání lélé fotsú Bulu wá.”

³¹ Yesu léfité amó ɔbéε, “Séi mú mlilahogyi? ³² Bré ku íbá. Ifaṣon ta, mlédasáín. Mli tɔ okugyíokú ɔbóyo mu otsukpá sí mí. Táme iméesi mí nkule, tsúfé mí Sí ámu bu mí wá. ³³ Nabláa mli asún áñfi fée, ménu mlótson misu nyá iwilwii. Mlówun iwiasin ɔyí áñfitɔ, táme mliwa klun, tsúfé nagyí ɔyísó dodo!”

17

Yesu Lóbo Mpáí Mu Akasípó Nwunṣu

¹ Yesu léblí asún áñfi tá, olotsu ansí fúá kí ɔsúsó bó mpáí ɔbéε, “Oo mí Sí, bré laṣon. Wa mí numnyam, ménu mí é nówá fó numnyam. ² Tsúfé feha mí túmi ahá féesó, ání nháa ahá ání feha mí fée nkpa ání itamatá. ³ Nkpa ání itamatá ámu gyí, bobú fó Bulu Ɖɔnkwalipu ɔkukónó ɔkule pé áñfi, abubu mí Yesu Kristo anfi fɔpusísí ɔyító áñfi. ⁴ Nawá fó numnyam ɔsolóv anṣisu, tsúfé namó agyómá ámuó fɔpohá mí ámu fée ɔnó. ⁵ Mí Sí! Wa mí numnyam fó ansító ngya, fé alí ámuó mbu mú fó wá yáí asa fɔbwe ɔyí ámu.

⁶ “Nalé fó súná ahá ámuó fele ɔyító há mí ámu. Fúbú amó, fɔpu amó há mí, bagyi fó asúnsú. ⁷ Séi

babí ání tógyítóá mbu itsú fú wá. ⁸ Tsúfě nabláa amó asón ání fəpohá mí fěé, banú. Babí ání lélé fú wá notsú, bahogyi ání fólówa mí.

⁹ “Nde fú kokóli ha amó. Megyí ɔyító ahá fěé nde mpái bə há. Mboun ahá ámúú fəpohá mí ámu, tsúfě fóbú amó. ¹⁰ Mí klé igyi fú klé, fú klé é igyi mí klé. Fatsɔn amósú lé mí numnyam ɔwan. ¹¹ Nəbá fú wá séi. Mmétrá tsíá ɔyító, táme amó mú bobu ɔyító. Mí Sí Wankíhé, pu fú idá ámúú fəpohá mí ámu túmi ki amósú, ménú bəbwe kole fé alí ámúú míá fonyɔ anigyí kole amu. ¹² Bréá mbu amó wá á, nekítá amó wankláán, idá ámúú fəpohá mí ámu túmitə. Nele ansí kítá amó wankláán. Mmeha amótó ɔkukɔ mófwi, dɔn ɔmɔamúú ida yai ání ɔbéhí ámu, fěki Bulu asɔn wanlínhé amu ibéba mótó. ¹³ Nəbá fú wá séi. Táme bré ánfí ntráa mbu ɔyító nfí nde asón ánfí blí, ménú bénya ansigyí fé alí ámúú mí é mbu ansigyító amu. ¹⁴ Nabláa amó asón ámúú febláa mi ámu. Mú su ɔyító ahá bude amó lu, tsúfě butráa bumegyí ɔyítófə, fé alí ámúú mí é mmegyí ɔyítóyín amu. ¹⁵ Mmedéblí mbéé, fuléé amó le ɔyító. Mboun mbéé fukú amósú wankláán, ménú bumóowie lalahe ɔbwepó* ámu ibitə. ¹⁶ Alí ámúú mmegyí ɔyítóyín ngyi ámu a, alí amó é bumegyí ɔyítófə ní. ¹⁷ Fú asón ámu gyí ɔnəkwali. Tsɔn mósú afɔpu amó bwe fú klé. ¹⁸ Alí ámúú fəwa mí sísí ɔyító ámu a, alí mí é nawá amó sísí ní. ¹⁹ Amó su nəpu iwí há fú, ménú amó é bótɔn ɔnəkwali amosɔ mlí fú klé.

²⁰ “Megyí mí akasípú amu nkole nde mpái bə há. Mboun ahá ání bótɔn amó atosunáhésu hə mi gyi fěé ndebə há. ²¹ Nde mpái bə mbéé, amó fěé bobwéé

* **17:15** ɔbonsám gyí lalahe ɔbwepó.

kuɓe. Mí Sí, alí á múú fɔbu mitɔ, mí é mbu fɔtɔ á mu a, ha amó é abotsia anitɔ alí kén, fówun ɔyító ahá bóhogyi ání fúlówa mí sí sí ɔyító. ²² Nawá ahá á nfi numnyam amóú fɔwa mí á mu, méní bóbwɛ kuɓe fé alíá ntsu tamatsun míá fɔnyɔ nsiné. ²³ Mbu amótó fé alíá fɔbu mitɔ, méní bóbwɛ kuɓe, ntsu móɔtsun amó nsiné. Ní íbá alí á, ɔyító ahá bébì ání fúlówa mí, fɔtɔdwé amó fé alí á múú fɔtɔdwé mí á mu.

²⁴ “Mí Sí! Ndeklé mbéé ahá á múú fɔpuhá mí á mu bétsiá mí wá ɔtíné á múú mbu amu. Fówun bówun numnyam amóú fɔwa mí á mu. Tsúfé fɔtɔdwé mí asa fɔbwɛ ɔyí. ²⁵ Mí Sí Yilé ɔbwɛpú! ɔyító fɔ bomebi fú, táme mí mu nyin fu. Ahá á nfi é buyin ání fúlówa mí sí sí ɔyító. ²⁶ Nele fú súná amó. Nétrá le fú súná amó. Fówun ɔdwɛ á múú fɔtɔdwé mí á mu itsia amótó, méní mí é nétsiá amótó.”

18

Yesu Kitá

(*Mateo 26:47-56; Marko 14:43-50; Luka 22:47-53*)

¹ Yesu lóbo mpái á nfi tá á, mua mu akasípó amu benatí yótsun Kidron tsonkolitɔ wíé ndobii kutɔ.

² Yuda amóú ɔlele Yesu há á mu é yin ndobii amutɔ, tsúfé Yesu mua mu akasípó butetsiá yéfiá inu. ³ Mú su Yuda lékpa Romafɔ isá akɔpó pú Bulu ɔtswékpa agyópu akvá Bulu igyí ahapó dehen pú Farisifɔ bówa, bóyɔ inu. Bude mbia, nkandíe pú akótó. ⁴ Iníá Yesu yin tóá íbá musu su á, ɔledali fia amó, fité amó ɔbéé, “Ma mlidédunká?”

⁵ Bele mú ɔnó beé, “Yesu Nasaretyin amu.”

Yesu lébláa amó ɔbéé, “Mí ní.”

(Yuda amóú ɔde mu le há á mu é líí amó wá inu.)

⁶ Bréá Yesu lébláa amó ɔbéé, “Mí ní!” á, besankí

yédida lalá kpá. ⁷ Yesu lélafíté amó ɔbéε, “Mbée, ma mlidédunká?”

Bεbláa mu bεε, “Yesu Nasaretyin amu.”

⁸ Yesu lébláa amó ɔbéε, “Nakú bláa mli mbée, mí ní. Mú sɔ ní mí mlidédunká mó á, mliha ahá ánfɪ abunati.” ⁹ (Ɔlebláa amó alɪ, ménɪ asún ámóú ɔleblí ámu ɪbéba mótó. Ɔbéε, “Ahá ámóú fɔpɔhá mí ámɔtɔ ɔkɔkɔ mófwi.”)

¹⁰ Inu á, Simon Petro dé ɔdayí ɪya anyɔ, ɔlebití mó lé, kpá Bulu igyí ɔhapú dehen osúmpó gyɔpɪ ɪsɔ. Osúmpó amu ɪdá gyí Malkus. ¹¹ Yesu lébláa Petro ɔbéε, “Sankia fó ɔdayí wa mó ɔfletɔ! Imehián ání nówun ɪwɪsɪn ání mí Sí lahá mí ɔbéε nwúun lóó?”

Yesu Kpa Ya Hana

(Mateo 26:57-58; Marko 14:53-54; Luka 22:54)

¹² Inu ɪsá akɔpó ámu, amó ɔhande pó Bulu ɔtswékpa agyópu amu bekítá Yesu, klí mu ɪbɪ.

¹³ Begyankpá kpá mu ya Kaiafa mu sia Hana. Kaiafa gyí Bulu igyí ɔhapú dehen offi ámɔtɔ ní.

¹⁴ Mɔlébláa Yudafɔ ahande amu ɔbéε, ɪbɔ aléá ɔbakóle obówu ahá féé nwun sɔ ní.

Petro Lékiná Yesu

(Mateo 26:69-70; Marko 14:66-68; Luka 22:55-57)

¹⁵ Simon Petro mva ɔkasípú bambá bobuo Yesu. Bulu igyí ɔhapú dehen amu yin ɔkasípú bambá ánfɪ wankláán. Mú sɔ olobuo Yesu bitíwíé Bulu igyí ɔhapú dehen amu wóyító. ¹⁶ Táme Petro mó lési ɔlí wóyí ámu ɔnó. Ɔkasípú bambá ánfɪ óyin Bulu igyí ɔhapú dehen anfi lédalɪ yébláa otsibi ɔkuá ɔde wóyí ámu ɔnó gyo, ɔlekpa Petro ba wóyí ámɔtɔ. ¹⁷ Ɔtsibi amu léfíté Petro ɔbéε, “Megyí oyin ámu akasípú amɔtɔ ɔku fógyi?”

Petro léle mó onó obée, “Ekekeke. Mma amótó.”

¹⁸ Atsalu bu unu. Mó su asúmpú pú agyópu amu bɔɔɔdá ogyá, bulí mó asi. Petro é léyelí amó wá, ɔɔɔ ogyá ámu núu.

Bulu Igyí ɔhapó Dehen Léfité Yesu Asón

(Mateo 26:59-66; Marko 14:55-64; Luka 22:66-71)

¹⁹ Bulu igyí ɔhapó dehen amu léfité Yesu asón, tsú mu akasípú pú mó atosunáhé iwí. ²⁰ Yesu léle mó onó obée, “Ahá ansító nelí blí mí asón fée. Netsiá súná ató Yudafo ofiakpa pú Bulu ɔswékpa, ɔtínéá ahá fée bɔtefia. Mmɛblí asuansu nǎintɔ. ²¹ Ntogyi sù fòde mí asón ánfí fité. Fite ahá ání bonu asón ání nɛblí. Amó yín asón ání nɛblí.”

²² Bréá Yesu léblí asón ánfí á, unu agyópu amoto ɔkɔléá ɔlí mantáa mu léda mu isuto, fité mu obée, “Alí fèle Bulu igyí ɔhapó dehen asón onó ní?”

²³ Yesu lébláa mu obée, “Ní nablí asukpan á, le mó blí ɔhagyíɔha onu. Táme ní ɔnɔkwali nablí á, ntogyi su fòde mí da?”

²⁴ Yesu trá ɔda ɔfétó ɔhande Hana lópu mu sísí Bulu igyí ɔhapó dehen Kaiafa.

Petro Létrá Kiná Yesu

(Mateo 26:71-75; Marko 14:69-72; Luka 22:58-62)

²⁵ Simon Petro trá ɔlí ogyá ámu asi, ɔku léfité mu obée, “Megyí oyin ánfí akasípú amoto ɔkɔle fɔgyi?”

Petro lóswí obée, “Ekekeke. Mma amótó!”

²⁶ Bulu igyí ɔhapó dehen amu osúmpú ɔku, ogyi ɔhá amóú Petro lékpa mu isu kɔle amu mu pio léfité Petro obée, “Megyí fúa munyo nowun ndobii amoto ní?”

27 Petro létrá swí pú ibi wá ogyá. Inunu bate lóbon.

Yesu Kpa Ya Pilato

(*Mateo 27:1-2, 11-14; Marko 15:1-5; Luka 23:1-5*)

28 Oyi kehe bake-bake a, bekpa Yesu tsú Kaiafa wóyító ya Roma òhande ání òde Yudea òmású gyí wóyító. Yudafò ahande amu bumedékléá bópu ifin da iwí. Mú sù bomebitíwíé wóyító inu. Tsúfè bodekléá béki ání amú iwí letin, ménì bétalí gyi Israelfòsù Katsùn Nke ámu.* 29 Mú alì sù Pilato lédalì ba kpankpá bēfité amú òbée, “Amansù mlibù blí tsú oyin ánfì iwí?”

30 Bebláa mu beε, “Ní òhá ánfì mókóbwé lakpan á, teki animékpa mu ba fu.”

31 Pilato lébláa amú òbée, “Mómú mlíkpa mu ya, amlyegyì mu asún mli mbla ònó.”

Yudafò ahande amu beε mú ònó beε, “Animá òkpa mós òha.” 32 (Asún ánfì léba mótó, ménì asún ámúú Yesu léblí tsú mu lowu ání obówu iwí ámu íbéba mótó.)

33 Inu Pilato léyinkí wíé wóyító. Múú òletì Yesu, fité mu òbée, “Fúgyí Yudafò owíε amu ni?”

34 Yesu léle mú ònó òbée, “Fú onutó asun fitéhé igyi, ntée akv lálbláa fu mí iwí asún?”

35 Pilato léle mú ònó òbée, “Yudayin ngyi? Fú onutó ahá pú Bulu igyi ahapó dehen lékpa fú ba mi. Ntò fabwé?”

36 Yesu lébláa mu òbée, “Megyí oyi ánfito nde iwíε gyi. Ní oyi ánfito á, teki mí abúopu bókò hò mi.

* **18:28** Ní fowíé òhá ání omegyí Yudayin wóyító a, ifin lada fu.

Buméha bumóòpò mí wá Yudafò ahande ibitò, táme megyí òyí ánfító nde iwíe gyí!”

³⁷ Pilato léfité mu òbée, “Mómú yéè owíe fugyi á?”

Yesu lélé mú ònó òbée, “Ònòkwali fablí fée Owíe ngyi. Mí á, bòkwí mí neba òyí ánfító ání mbá ambegyi ònòkwali amu iwí adánsiè. Òhagyíoha ání ogyi Ònòkwali amu klé tɛyaa asu nú mí òmè.”

³⁸ Pilato léfité mu òbée, “Ntò gyí ònòkwali amu?”

Pilato Léha Òkpa Òbée Bumóò Yesu

(Mateo 27:15-31; Marko 15:6-20; Luka 23:13-25)

Pilato léblí asún ánfí tá á, òlètrá dali yò Yudafò ámu wá wóyí ònó mu. Òlèbláa amú òbée, “Mmòkòwun lalaha kòkòkòvá nòpòhá oyin ánfí ipón. ³⁹ Táme mli amándíé ònó á, ntesí obu òdipú òkòlè há mli Katsùn Nkè kugyíkòtò. Mlídéklé mliha, nsíi Yudafò Owíe anfi ha mli?”

⁴⁰ Bòkplón lè mú ònó bée, “Èkèkèkè! Megyi mu. Si Baraba ha aní.” (Ogyo otswapò Baraba é gyí).

19

¹ Inu Pilato léha bekpa Yesu ya, yépití mu ató wankláán. ² Isá akòpó amu bòlu obungyo-awu, bwé mú owíepa bun mu nwun, bowa mu ligá pèpè kú. ³ Inu benatí bwé mu ahinlá bée, “Yudafò Owíe, fò nkpasu ònlinsu!” Fówun badá mu isòtò kpa.

⁴ Pilato létrá dali yò wóyí ònó mu yébláa amú òbée, “Nakpá mu neba mli, amliwun ání mmòkòwun lalaha kòkò mu iwí.” ⁵ Bréá Yesu lédali ba a, obungyo-awu ipa ámu bun mu nwun, òlòwa ligá pèpè amu. Pilato lébláa amú òbée, “Mu ni!”

⁶ Bulu igyí ahapó dehen pò Bulu otswékpa agyóòpò amu benya wun mu pé, bòsurá okitikíti blí bée,

“Da mu manta oyikpalíhesu! Da mu manta oyikpalíhesu!”

Pilato lébláa amó obéé, “Mli onutó mlíkpa mu ya, amlyeada mu manta oyikpalíhesu. Mí mó mməkówwun lalahé kuku mu iwíá nópohá mu ipón.”

⁷ Yudafo ámu bebláa mu beé, “Ani mbla onó á, ilehián aní obówu. Tsúfé olebli obéé, Bulu mu Bi mgyi.”

⁸ Bréá Pilato lónu asón ánfí á, ifú létrá kitá mu tsía mótó. ⁹ Oleyinkí yó mu wóyító yéfité Yesu obéé, “Nkónó fotsú?”

Táme Yesu mékpla mu. ¹⁰ Mó su Pilato léfité mu obéé, “Fuméekplá mí? Fumeyín aní mbu túmiá nétalí sí fú ntéé nétalí há beda fú mántá oyikpalíhesu mó fú?”

¹¹ Yesu léle mó onó obéé, “Ní megyí Bulu léha fú akpa á, teku fuma túmi kuku mísú. Inu su ohá amúú olopu mí wá fú ibitá ámu lakpan dun fú klé.”

¹² Pilato lónu asón ánfí á, olekle osi Yesu. Táme Yudafo ámu basurá okitikíti kóklókúú bli beé, “Ní fesi ohá ánfí á, mómú megyí Roma owíe dehen* mu nyawie fuyi. Tsúfé ohagyíoha aní obli obéé owíe mgyi á, alakúsú líi Roma owíe dehen!”

¹³ Bréá Pilato lónu asón ánfí á, olekpa Yesu dáli ba kpankpa, tsía mu asúngyí obiá aní itsie otinekuá bəpu abwi bwé inu, butetí inu “Abwitə” su. (Butetí inu “Gabata” Hebrí oblitə.) ¹⁴ Eke ámu igyi ogyá odudáké há Israelfəsu Katsun Nke. Ibóbwe fé opa dódúanyətə á, Pilato lébláa Yudafo ámu obéé, “Mli Owíe amu ni!”

¹⁵ Basurá okitikíti beé, “Kpa mu ya, kpa mu ya, afuyeda mu manta oyikpalíhesu.”

* **19:12** Roma Owíe dehen gyí Kaesare.

Pilato léfité amó ðéé, “Ndáa mli owíe manta oyikpalíhesu?”

Bulu igyí ahapú dehen amu bebláa mu beé, “Animá owíe ðukvu ðun Roma owíe dehen!”

¹⁶ Inu Pilato lési Yesu há amó ðéé buyéda mu manta oyikpalíhesu.

Yesu Da Mántá Oyikpalíhesu

(*Mateo 27:32-44; Marko 15:21-32; Luka 23:26-43*)

Isá akápó ámu bekpa Yesu náti. ¹⁷ Mu onutó olotsu mu oyikpalíhe dínká mu nkanta alu yéwie ðtinekuá butetí inu “Nwun Okokobi Otsiákpá.” (Butetí inu “Golgota” Hebri ðblító.) ¹⁸ Beda Yesu mántá oyikpalíhesu inu, beda ayin abanyó aku é mántá nyikpalíhesu mu wá inu. ðkule bu Yesu binasu, ðkule é bu mu gyopisu, Yesu bu amó nsiné. ¹⁹ Pilato lówanlín asón mántá oyikpalíhe amu awunso. Asón ámu gyí, “YESU NASARETYIN, YUDAFŌ OWÍE.” ²⁰ YudafŌ tsòtsòtsò bekle asun wanlínhé anfi. Tsúfé ðtíné ámúú beda Yesu mántá oyikpalíhesu ámu ibu mantáa Yerusalem. ðleha bōwanlín asón ámu Hebri ðblí, Roma ðblí pú Griiki ðblító. ²¹ Bulu igyí ahapú dehen amu bebláa Pilato beé, “Máwanlín fée, ‘YudafŌ Owíe.’ Mboún wanlín fée, ‘Oyin ánfí ðéé, mígyí YudafŌ Owíe.’ ”

²² Pilato lébláa amó ðéé, “Múá nawánlín á, nawánlín mú dodo.”

²³ Isá akápó ámu beda Yesu mántá oyikpalíhe amusu tá á, botsu mu atadié, beye mótó aku ana. Okugyíòku klé kule. Botsu mu ligá ání bōlv mú tsú ðsósó beyi asi. ²⁴ Inu bebláa aba beé, “Mlímáha abali atadié ánfí mótó. Mlíha atswi abi kí beé, ma

obénya mú.” Asón ánfí léba, méní Bulu asón á múú
bɔwanlín tswí bɛɛ,

“Beye mí atadietɔ,

bɔtswí abi mí ligású” amɔ íbɛba mútɔ.

Isá akɔpú á mɔ bɔbwe dínká músú.

²⁵ Yesu mɔ yin, mɔ yin mɔ pio tsíhé Maria, ogyi Klopa mɔ ka pú Magdalayintse Maria bulí oyikpalíhe amɔ asi. ²⁶ Bréá Yesu lówun mɔ yin pú mɔ ɔkasípó á múú ɔtehíé dwé á mɔ, bulí mantáa inɔ á, ɔlebláa mɔ yin ɔbéɛ, “Amú yín, fú bí ní.”

²⁷ Múú ɔlebláa ɔkasípó amɔ é ɔbéɛ, “Fú yín ní.” Tsú eke á mɔ a, ɔkasípó amɔ lékpa mɔ ya mɔ wóyítɔ.

Yesu Lowu

(*Mateo 27:45-56; Marko 15:33-41; Luka 23:44-49*)

²⁸ Iní ɔma a, Yesu lówun á ní mɔ agyómá lamó ɔnó. Múú ɔleblí ɔbéɛ, “Ɖmɛwólí de mí.” Iní leha Bulu asón á múú bɔwanlín tswí amɔ íbɛba mútɔ.

²⁹ Onuwé kɔ tsie inɔ, ntá ɔdái íbɔ mú. Isá akɔpú á mɔ bɔpɔ ɔsapɔ dá ntá á mɔtɔ púsíán oyísú, tsú mú fɔá yétin mɔ ɔnó. ³⁰ Yesu lékpíkɔpú mú mé. Inɔ ɔleblí ɔbéɛ, “Ílatá!”

Múú oloko nwuntɔ wá, ɔlele ɔhɛ á.

Yesu Abintɔ Ató Wɔ

³¹ Eke á mɔ igyi Fieda. Mú ɔyi kehe igyi ɔkpónú ɔdaké kpɔnkpɔntí há Yudafɔ. Mú sɔ bɔmekle á ní ahá á mɔ busíán nyikpalíhe amɔsɔ yófun owi tahé.† Mú sɔ bɔkolí Pilato ɔkpa bɛɛ ɔháa mɔ ísá akɔpú abuyebiabía amú ayabi, méní bókɔsí wú, fówun béle amú tsu nyikpalíhe amɔsɔ asa owí ɔta. ³² Mú sɔ bɔyɔ yébiabía ayin abanyó á mɔ ayabi. ³³ Táme

† **19:31** Yudafɔ ɔkpónú ɔdaké tefi asi tsú owi tahé.

bréá bowie Yesu wá á, bowun ání alawú dodo. Mú su bumebia mu ayabi. ³⁴ Táme isá akòpó ámòtò òkùlè lópò mu pía wò Yesu abintò, ntsu móa obugya lèfèn dali. ³⁵ (Ọhá ámúú olowun mó ámu légyi mó iwí adánsiè, fówun mlí é mlóhogyi. Megyí afunu igyi. Oyin ání ọ̀nàkwali asón muḍeblí.) ³⁶ Iní fèé léba mótó, méní Bulu asón ámúú bəwanlín tswí bée, “Buméebia mu iwú kùkùkù” ámu íbèba mótó. ³⁷ Bulu ason wanlínhé ámu kén lèblí ọ̀bée, “Béki ọ̀há ámúú bəwə mu abintò pía ámu.”

Yesu Pulá

(*Mateo 27:57-61; Marko 15:42-47; Luka 23:50-56*)

³⁸ Iní fèé ọ̀ma a, Arimateayin Yosef léba bokokóli Pilato ọ̀bée, ọ̀púv Yesu fúli ámu ha mu. (Yosef anfi buo Yesu ọ̀áintò, tsúfè ọ̀de Yudafo ahande ámu ifú nya.) Pilato léha mu ọ̀kpa. Mú su Yosef léyele Yesu fúli ámu oyópulá. ³⁹ Nikodemo ámúú ọ̀leba Yesu wá eke ọ̀kù onyé ámu é léba. Ọ̀lòpò afá fánfáánfán aku anyo† ání bəkwè mó wá abato tsətsətsə ba. Mú odwin bəbwe kílo advasa (30). ⁴⁰ Ayin anfi bəpú ọ̀hráda kíklí afá ámu mántá fúli ámu iwí fé alá Yudafo butəbwé ámu afúli asa butopulá ámu. ⁴¹ Ndobíi kù íbu mantáa ọ̀tíné ámúú bəda Yesu mántá oyikpalíhesu ámu. Bolotí butátó bwé mó fúli-ọ̀bó unv. Buməkópulá ọ̀haa mótó kí. ⁴² Iníá eke ámu igyi ogyá ọ̀dudáké, fúli ọ̀bó ámu é íbu mantáa unv su á, bopulá Yesu mótó.

† **19:39** Afá aku anyo ámu adá gyí mire móa aloe.

20

Yesu Kvsó Tsú Afúlitó

(Mateo 28:1-8; Marko 16:1-8; Luka 24:1-12)

¹ Ndawótswító εκε gyankpapu, igyi Kwaseda bakε-bakε, bréá nsaintó mókútítí a, Magdalayintse Maria lóyo Yesu opulákpá inu. Olenya wíε inu alí olowun ání bamína ibwi ámu lé obó ámu onó. ² Mú su oleyinkí srí ba okasípú amúú Yesu tēhíé dwé mu amu mua Simon Petro wá, bebláa amú obéε, “Balé Yesu obó ámuoto. Animéyín otínéá bapú mu yówa!”

³ Múú Petro mua munya bapu okpa boyó opulákpá inu. ⁴ Amú abanyó ámu féé betsií asrí, táme olesrí sí Petro gyankpá yówie opulákpá inu. ⁵ Bréá olobun kí ntsán ámuoto á, olowun ání ohráda ámu kpán dá, táme omebitiwíé mótó. ⁶ Simon Petro lóbato mu, obatsun bitiwíé ntsán ámuoto, olowun ohráda amu da. ⁷ Olowun ohráda amúú baputó mu nwun ámu é, ilokuntá ida ifóntó. ⁸ Okasípú amúú olegyankpá wíé inu ámu é lébitiwíé mótó, wun ohráda ámu pú mú amúú baputó mu nwun ámu alí olohogyi. ⁹ Bré ámuoto á, Bulu asun wanlínhé amúú ileblí obéε, ilehián ání Yesu obókvsó tsú afúlitó ámu makónyá wánkí amú. ¹⁰ Beyinkí yó wóyí.

Yesu Iwíwanle Súná Magdalayintse Maria

(Mateo 28:9-10; Marko 16:9-11)

¹¹ Táme Maria lési alí opulákpá inu odesú. Bréá odesú a, olobun kí obó ámuoto. ¹² Inu olowun Bulu-abapu abanyó ání bowa atadiε futútúútú, btsie otíné amúú bapu Yesu fúli tswi amu. Okule tsie mu adianwun, okule tsie ayabiasí. ¹³ Befité mu beε, “Amú yín, nkálú igyi sù fodesú?”

Ἦλε μὸ ἀνό ἀβέε, “Balé mí Wíe náti. Mmeyín ὀτίνεά bapú mu yótswi!”

¹⁴ Ἦεblí tá á, ὀεδamlí kɪ ὀma. Ἦkɪ a, Yesu líí mu ὀma, táme ὀμεbiá Yesu nɪ. ¹⁵ Yesu léfité mu ἀβέε, “Amó yín, nkáli ígyi só fúdesú? Ma fúdedunká?”

Μυ μὸ ὀkɪ ἀní ndobíi amuῶ agyómá ὀyῶpú ní. Μὸ su ὀεbláa Yesu ἀβέε, “Anɪ sí, ní fólatsú mu yótswi ὀtɪneku á, suna mí, anyetsu mu nati.”

¹⁶ Yesu lókpolí mu ἀβέε, “Maria.”

Ἦεδamlí kɪ, kpólí Yesu Hebri ὀblító ἀβέε, “Rabuni!” (Μὸ asi gyí, “Osunápó.”)

¹⁷ Yesu lébláa mu ἀβέε, “Mápu ɪbi da mi, tsúfé mmakónyá yó ὀsúsú mí Sí wá. Mbóun nati yebláa mí apíó ámu fεε, nῶyó mí Sí ἀní ogyi mlɪ Sí wá. Nῶyó mí Bulu ἀní ogyi mlɪ Bulu wá.”

¹⁸ Magdalayintse Maria léyebláa akasípú amu ἀβέε, “Nawun anɪ Wíe!” Ἦεbláa amó asón ἀní Yesu lébláa mu.

Yesu Ἰωῶwanε Σύνά Μυ Akasípú

(Mateo 28:16-20; Marko 16:14-18; Luka 24:36-49)

¹⁹ Kwasieda ámu ntópwesv á, akasípú amu befia. Befin obu wá ɪwi, tsúfé buδε Yudafῶ ahandε amu ifú nya. Inu á, Yesu lébelí amó nsɪné, ὀεbláa amó ἀβέε, “Ἰwi ilwíi mlɪ.” ²⁰ Ἦεbláa amó alɪ tá á, ὀῶpu mu ɪbitῶ pú mu abɪntῶ súná amó. Ansí légyi amó, tsúfé bawun amó Wíe. ²¹ Yesu létrá bláa amó ἀβέε, “Ἰwi ilwíi mlɪ. Alɪ amóú mí Sí lawá mí ámu a, alí ndε mlɪ wa ní.” ²² Inu ὀῶlon ὀῆé fῶ wólí amósú, bláa amó ἀβέε, “Mlɪῶ Ἦῆε Wankíῆε amu. ²³ Ní mlesí ahá lakpan kíé amó á, Bulu lasíkié amó. Táme ní mlɪmésikíé amó á, Bulu méesikíé amó.”

Yesu Ἰωῶwanε Σύνά Toma

24 Bréá Yesu léba a, amótó okoleá butetí mu Toma, butelátí mu Tabí má mu. 25 Mú su akasípó atráhe amu bebláa mu beé, “Anulawun aní Wíe!”

Táme Toma lébláa amú obéé, “Ní mmakówun mu ibitò ndatobi nlò ámu, kpíé osrebi wá mótó, kpíé ibi wá mu abintò òlò ámutò á, mmóohogyi ekekekeke.”

26 Nkekwe óma a, akasípó amu betrá fia obu ámutò. Alí eke ámu mú á, Toma bú amótó. Befin obu ámu, támé Yesu lébelí amú nsíné, bláa amú obéé, “Iwí ilwíi mlí.” 27 Múyò òlebláa Toma obéé, “Kí mí ibitò, kpíe osrebi wa nfi. Kpíe fú ibi wa mí abintò. Si nwéén gyí, afuhogyi!”

28 Toma léle mú onó obéé, “Mí Wíe pú mí Bulu!”

29 Yesu lébláa mu obéé, “Alí ámúyò fawun mí ámu su fahogyi lóó? Ansí bégyi ahá ámúyò bumòpu amú ansíbi wun, asa bohogyi amu!”

T'óá S'wá B'awanlín Ówuló Anfi

30 Yesu létrá bwe osúna tsòtsòtsò mu akasípó amu ansító aní bumòwanlín wá ówuló ánfitò. 31 Támé bawánlín ínì, ménì mlóhogyi aní Yesu gyí Bulu mu Bi Kristo amu. Asón ánfisù hógyi obéha mlénya nkpa aní itamatá mu idátó ní.

21

Yesu Iwíwanle Súná Akasípó Abasiénó

1 Iní óma a, Yesu létrá le iwí òwan súná mu akasípó Tiberia òpu* onó tsun òkpa ánfisù. 2 Simon Petro muwa Toma aní butelátí mu Tabí, Nataniel, otsú Kana wúluá ibu Galilea ómátó, Sebedeo abí ámu pú akasípó abanyó é befia. 3 Simon Petro lékla amú obéé, “N'òyó òpusu yéle aye.”

* 21:1 Butetráa tí mú Galilea òpu.

Bebláa mu bee, “Ani é abóbuo fu yó.” Ini su boyówie òklontò náti. Táme betsiá ntsusu onyé ámu fée, bumenya tótò. ⁴ Bréá òyí ibá beke a, bowun òku líi òpu amu ònó. Bumebi ání Yesu ni. ⁵ Múú Yesu léfité amú òbéé, “Mí anyawíe, mlíménya tótò?”

Bele mú ònó bee, “Ee!”

⁶ Yesu lébláa amú òbéé, “Mlitswi asawu amu wa gyòpisi fón, mléle aye.” Mú su bòtswi wa inu. Aye lóbulá asawu amu, bumetalí bíti mú lé.

⁷ Múú òkasípú amúú Yesu telié dwé ámu lébláa Petro òbéé, “Ani Wíe Yesu ni!” Bréá Petro lónu ání ani Wíe Yesu ni á, olotsu mu atadié mla iwí. (Tsúfé òlòwó mu atadié tswi), olotu wíe ntsu ámutò gyuaa, òdepití òyó Yesu wá. ⁸ Táme akasípú atráhe amúú búbu òklontò ámu bebitía asawu amúú aklemetí búbò mú ámu ba otsubúnò, tsúfé búma ífò òpu ònó inu. Mú ífótò bóbwe fé ayabi lafasa (300). ⁹ Bréá bowie òpu ònó á, bowun ání bawá agyawunu ogyá, búde iye tò músú, bodobodo é da mú asi. ¹⁰ Múú Yesu lébláa amú òbéé, “Mlile aklemetí amúú mlilalé ámu ku ba.”

¹¹ Mú su Simon Petro léyinkí dó wíé òklun amutò, òleyébitía asawu amúú aklemetí akpònkpònti búbò mú ámu bòtswi òpu ònó. Aklemetí ámu bugyi lafakule aduenu-sa (153). Iníá bútsò ó á, asawu amu metítí. ¹² Yesu létí amú òbéé, “Mlibegyí ató.” Amótò òkòku métalí wá klun fité mu òbéé, “Ma fuyi?” Tsúfé bebi ání amú Wíe ni. ¹³ Yesu lótsu bodobodo amu há amú, olotsu aye amu é há amú.

¹⁴ Bulu lókúsúa Yesu tsú afúlitò òma a, íni gyí otse saasi ání òlele iwí òwan súná mu akasípú amu ni.

Yesu Mva Petro

15 Bréá begyi nyanki atogyihe amu tá á, Yesu léfité Simon Petro ɔbéε, “Yohane mu bi Simon, fɔtɔdwé mí dɔn fú aba ánfí lóó?”

Petro léle mú ɔnó ɔbéε, “Ee, mí Wíé, foyin ání ntɔdwé fú.”

Yesu lébláa mu ɔbéε, “Kí mí akúfabi amusu.”
16 Ɔletrá fité Petro otse nyɔɔsi ɔbéε, “Yohane mu bi Simon, fɔtɔdwé mí?”

Petro léle mú ɔnó ɔbéε, “Ee, mí Wíé, foyin ání ntɔdwé fú.”

Yesu lébláa mu ɔbéε, “Kpa mí akúfa amu.” 17 Yesu léfité mu otse saasi ɔbéε, “Yohane mu bi Simon, fɔtɔdwé mí lélé?”

Ulehan Petro, tsúfé otse saasi Yesu lafité mu ɔbéε, “Fɔtɔdwé mí?” á. Mú su ɔlele mú ɔnó ɔbéε, “Mí Wíé, fú onutó foyin tógyító. Yéε foyin ání ntehié dwé fú!”

Yesu lébláa mu ɔbéε, “Kí mí akúfa amusu.”
18 Ɔnɔkwali nde mli bláa. Bréá fúgyi ɔyasubi á, fú onutó fɔtetáli tsú fú atadiε híhiε iwí, kósú yó ɔtínegyíɔtínéá fɔdeklé. Táme ní fɔbwé oyin dehen a, fétinkí ibi, há ɔku ɔbéɔɔdá fú ató, kpa fú ya ɔtínéá fɔmedékle.” 19 (Yesu lébli asón ánfí, púsúná ɔkpa ání Petro ɔbótsun músó wú púwá Bulu numnyam.) Inu ɔlebláa Petro ɔbéε, “Buo mi!”

Yesu Mva Ɔkasípó Ɔtehié Dwé

20 Petro lédamlí kí a, Yesu ɔkasípó amúú ɔtehié dwé ámu buo amú. (Múgyí ɔhá amúú oleyinkí kpísá Yesusu ntópwe ató ogyíkpa, fité mu ɔbéε, “Owíé, ma ɔbéle fú há?” ámu ni.) 21 Bréá Petro lówun mu a, ɔlefité Yesu ɔbéε, “Mí Wíé, ntɔ ɔbéba oyin ánfí ésú?”

22 Yesu léle mú ɔnó ɔbéε, “Ní ndeklé mbéε otsía nkpa yáfɔn bréá néyinkí ba a, fú asón igyi? Fú mú buo mi wole!”

²³ Asón ánfí ðekleí wá Yesu abúoppo amvto, ání alí ðkasípó amv mύ móowu. Táme Yesu mébli ðbéε, omóowu. Blí ðlebli ðbéε, “Ní ndeklé mbéε, otsía nkpa yófvn bréá néyinkí ba a, fó asón igyi?”

²⁴ Mvgyí ðkasípóá olowun íni féé, ððwanlín mύ tswi ni. Aniyin ání mv asvn blíhé anfi igyi ðnðkwali.

Ἰνόμο

²⁵ Ató tsotsðtsð itráa bv ðnvá Yesu lóbwε tsía ínvto. Ní ððwanlín mύ féé wá nwsulótó ikvle-kvle a, teki bvméenya nwsuló ámv ðyaíkpá ðsulúv anfisv. Natóí tá.

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

01b09958-fa53-51d1-aae0-88c7e9302503